

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

प्रथम काण्डे, चतुर्थः प्रश्नः

Table of Contents

- 1 कृष्ण यजुर्वेदीय तैत्तिरीय संहिता क्रम पाठः..... 3
1.4 प्रथम काण्डे चतुर्थः प्रश्नः – सुत्यादिने कर्तव्या ग्रहाः..... 3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

1 कृष्ण यजुर्वेदीय तैत्तिरीय संहिता क्रम पाठः

1.4 प्रथम काण्डे चतुर्थः प्रश्नः - सुत्यादिने कर्तव्या ग्रहाः

T.S.1.4.1.1 - Kramam

आ ददे । ददे॑ ग्रा॒वा॑ । ग्रा॒वा॑ऽसि । अ॒स्य॒ध्व॒र॒कृ॒त् ।
अ॒ध्व॒र॒कृ॒द् दे॒वे॒भ्यः॑ । अ॒ध्व॒र॒कृ॒दित्य॑ध्व॒र-कृ॒त् । दे॒वे॒भ्यो॑ ग॒म्भी॒रम् ।
ग॒म्भी॒र॒मि॒मम् । इ॒म॒म॒ध्व॒र॒म् । अ॒ध्व॒र॒म् कृ॒धि । कृ॒ध्यु॒त्त॒मे॒न ।
उ॒त्त॒मे॒न॒ प॒वि॒ना॑ । उ॒त्त॒मे॒ने॒त्यु॒त्-त॒मे॒न॑ । प॒वि॒ने॒न्द्रा॒य । इ॒न्द्रा॒य॒ सो॒मम्॑ ।
सो॒म॑ सु॒षु॒तम् । सु॒षु॒तम् म॒धु॒म॒न्त॒म् । सु॒षु॒त॒मि॒ति॒ सु - सु॒त॒म् ।
म॒धु॒म॒न्त॒म् प॒य॒स्व॒न्त॒म् । म॒धु॒म॒न्त॒मि॒ति॒ म॒धु - म॒न्त॒म् । प॒य॒स्व॒न्तं
वृ॒ष्टि॒व॒नि॒म् । वृ॒ष्टि॒व॒नि॒मि॒न्द्रा॒य । वृ॒ष्टि॒व॒नि॒मि॒ति॒ वृ॒ष्टि - व॒नि॒म् ।
इ॒न्द्रा॒य॒ त्वा । त्वा॒ वृ॒त्र॒घ्ने॑ । वृ॒त्र॒घ्न॑ इ॒न्द्रा॒य । वृ॒त्र॒घ्न॑ इति॑ वृ॒त्र - घ्ने॑ ।
इ॒न्द्रा॒य॒ त्वा । त्वा॒ वृ॒त्र॒तु॒रे॑ । वृ॒त्र॒तु॒र॒ इ॒न्द्रा॒य । वृ॒त्र॒तु॒र॒ इति॑ वृ॒त्र - तु॒रे॑ ।
इ॒न्द्रा॒य॒ त्वा । त्वा॑ऽभि॒मा॒ति॒घ्ने॑ । अ॒भि॒मा॒ति॒घ्न॑ इ॒न्द्रा॒य ।
अ॒भि॒मा॒ति॒घ्न॑ इत्य॑भि॒मा॒ति - घ्ने॑ । इ॒न्द्रा॒य॒ त्वा । त्वा॑ ऽऽदित्य॑व॒ते॑ ।

तैत्तिरीय संहिता क्रम पाठे (TS 1.4)

आ॒दि॒त्य॒व॒त॒ इ॒न्द्रा॒य॒ । आ॒दि॒त्य॒व॒त॒ इ॒त्या॒दि॒त्य॒ - व॒ते॒ । इ॒न्द्रा॒य॒ त्वा॒ ।
त्वा॒ वि॒श्व॒दे॒व्या॒व॒ते॒ । वि॒श्व॒दे॒व्या॒व॒ते॒ श्वा॒त्राः॑ । वि॒श्व॒दे॒व्या॒व॒त॒ इति॑
वि॒श्व॒दे॒व्य॒ - व॒ते॒ । श्वा॒त्राः॑ स्थ॒ । स्थ॒ वृ॒त्र॒तु॒रः॑ । वृ॒त्र॒तु॒रो॒ रा॒धो॒गूर्ताः॑ ।
वृ॒त्र॒तु॒र॒ इति॑ वृ॒त्र॒ - तु॒रः॑ । रा॒धो॒गूर्ता॑ अ॒मृत॑स्य । रा॒धो॒गूर्ता॑ इति॑
रा॒धः - गूर्ताः॑ । अ॒मृत॑स्य॒ पत्नीः॑ । पत्नी॒स्ताः॑ । ता॒ दे॒वीः॑ । दे॒वीर्
दे॒व॒त्रा॑ । दे॒व॒त्रे॒मम् । दे॒व॒त्रे॒ति॑ दे॒व - त्रा॑ । इ॒मं य॒ज्ञम् । य॒ज्ञम् ध॒त्त॑ ।
ध॒त्तो॒प॒हू॒ताः॑ । उ॒प॒हू॒ताः॑ सोम॑स्य । उ॒प॒हू॒ता॒ इत्यु॒प - हू॒ताः॑ । सोम॑स्य
पि॒ब॒त॑ । पि॒ब॒तो॒प॒हू॒तः॑ । उ॒प॒हू॒तो॒ यु॒ष्मा॒कम् । उ॒प॒हू॒त॒ इत्यु॒प - हू॒तः॑ ।

यु॒ष्मा॒क॒ꣳ सोमः॑ । 1 (50/65)

T.S.1.4.1.2 - Kramam

सोमः॑ पि॒ब॒तु॑ । पि॒ब॒तु॑ यत् । यत्ते॑ । ते॒ सोम॑ । सोम॑ दि॒वि॒ । दि॒वि॒
ज्यो॒तिः॑ । ज्यो॒तिर् यत् । यत् पृ॒थि॒व्याम् । पृ॒थि॒व्यां यत् । यदु॒रौ॑ ।
उ॒रा॒व॒न्त॒रि॒क्षे॑ । अ॒न्त॒रि॒क्षे॑ ते॒न॑ । ते॒ना॒स्मै॑ । अ॒स्मै॑ य॒ज॒मा॒नाय॑ ।
य॒ज॒मा॒नायो॒रु॑ । उ॒रु॒ रा॒या॑ । रा॒या॑ कृ॒धि॑ । कृ॒ध्य॒धि॑ । अ॒धि॑ दा॒त्रे॑ ।
दा॒त्रे॑ वो॒चः॑ । वो॒चो॒ धि॒ष॒णे॑ । धि॒ष॒णे॑ वी॒डू॑ । धि॒ष॒णे॑ इति॑ धि॒ष॒णे॑ ।
वी॒डू॑ स॒ती॑ । वी॒डू॑ इति॑ वी॒डू॑ । स॒ती॑ वी॒ड॒ये॒थाम् । स॒ती॑ इति॑ स॒ती॑ ।

प्रथम काण्डे - चतुर्थः प्रश्नः - (TS 1.4)

वी॒डये॑थामूर्ज॑म् । ऊ॒र्जम्॑ दधा॑थाम् । द॒धा॒थामूर्ज॑म् । ऊ॒र्जम्॑ मे ।
 मे॒ ध॒त्तम्॑ । ध॒त्तम्॑ मा । मा॒ वाम्॑ । वा॒ँ हि॒ँसि॒षम्॑ । हि॒ँसि॒षम्॑ मा ।
 मा॒ मा॑ । मा॒ हि॒ँसि॒ष्टम्॑ । हि॒ँसि॒ष्टम्॑ प्राक् । प्रा॒गपा॑क् । अ॒पा॒गु॒दक् ।
 उ॒द॒ग॒ध॒राक् । अ॒ध॒रा॒क्ताः॑ । ता॒ स्त्वा॑ । त्वा॒ दि॒शः॑ । दि॒श आ॑ ।
 आ॒ धा॒वन्तु॑ । धा॒वन्त्व॑म्ब । अ॒म्ब नि॑ । नि॒ष्वर॑ । स्व॒रेति॑ स्वर ॥
 यत् ते॑ () । ते॒ सोम॑ । सो॒मादा॑भ्यम् । अ॒दा॑भ्यम् नाम॑ । नाम॑
 जा॒गृ॒वि । जा॒गृ॒वि तस्मै॑ । तस्मै॑ ते । ते॒ सोम॑ । सोम॑ सो॒माय॑ ।
 सो॒माय॑ स्वाहा॑ । स्वा॒हेति॑ स्वाहा॑ ॥ 2 (59/62)

(युष्माकँ - स्वर यत्ते - नव च) (A1)

T.S.1.4.2.1 - Kramam

वा॒चस्प॑तये । प॒तये॑ प॒वस्व॑ । प॒वस्व॑ वा॒जि॒न् । वा॒जि॒न् वृ॒षा॑ ॥
 वृ॒षा वृ॒ष्णाः॑ । वृ॒ष्णा अ॒ँशु॑भ्याम् । अ॒ँशु॑भ्याम् ग॒भस्ति॑पूतः ।
 अ॒ँशु॑भ्या॒मित्यँ॑शु - भ्याम् । ग॒भस्ति॑पूतो देवः ।
 ग॒भस्ति॑पूत इति॑ ग॒भस्ति॑-पूतः । दे॒वो दे॒वाना॑म् । दे॒वाना॑म् प॒वि॒त्रम्॑ ।
 प॒वि॒त्रम॑सि । अ॒सि येषा॑म् । येषा॑म् भा॒गः । भा॒गोऽसि॑ ।
 अ॒सि ते॑भ्यः । ते॒भ्यस्त्वा॑ । त्वा॒ स्वा॒ङ्कृ॒तः । स्वा॒ङ्कृ॒तोऽसि॑ ।

तैत्तिरीय संहिता क्रम पाठे (TS 1.4)

अ॒सि॒ म॒धु॒म॒तीः॑ । म॒धु॒म॒ती॒र् नः॑ । म॒धु॒म॒ती॒रि॒ति॒ म॒धु॒ - म॒तीः॑ ।
न॒ इ॒षः॑ । इ॒ष॒स्कृ॒धि॑ । कृ॒धि॒ वि॒श्वे॑भ्यः । वि॒श्वे॑भ्यस्त्वा । त्वे॒न्द्रि॒ये॒भ्यः॑ ।
इ॒न्द्रि॒ये॒भ्यो॑ दि॒व्ये॑भ्यः । दि॒व्ये॑भ्यः पा॒र्थि॒वे॒भ्यः॑ । पा॒र्थि॒वे॒भ्यो॑ मनः ।
मन॑स्त्वा । त्वा॒ऽष्टु॑ । अ॒ष्टू॒रु॑ । उ॒र्व॒न्त॒रि॒क्ष॒म् । अ॒न्त॒रि॒क्ष॒म॒नु॑ । अ॒न्वि॒हि॑ ।
इ॒हि॒ स्वा॒हा॑ ॥ स्वा॒हा॑ त्वा । त्वा सु॒भ॒वः॑ । सु॒भ॒वः॑ सू॒र्या॒य॑ । सु॒भ॒व
इ॒ति॒ सु॒-भ॒वः॑ । सू॒र्या॒य॑ दे॒वे॒भ्यः॑ । दे॒वे॒भ्य॑स्त्वा । त्वा म॒री॒चि॒पे॒भ्यः॑ ।
म॒री॒चि॒पे॒भ्य॑ ए॒षः॑ । म॒री॒चि॒पे॒भ्य॑ इ॒ति॒ म॒री॒चि॒ - पे॒भ्यः॑ । ए॒ष॒ ते॑ ॥
ते॒ यो॒निः॑ । यो॒निः॑ प्रा॒णाय॑ । प्रा॒णाय॑ त्वा । प्रा॒णाये॑ति प्र - अ॒नाय॑ ।
त्वे॒ति॒त्वा ॥ ३ (४७/५३) (वा॒चः-स॒प्त॒च॒त्वा॒रि॒ऽश॒त्) (A२)

T.S.1.4.3.1 - Kramam

उ॒प॒या॒म॒गृ॒ही॒तो॒ऽसि॑ । उ॒प॒या॒म॒गृ॒ही॒त॒ इ॒त्यु॒प॒या॒म॒ - गृ॒ही॒तः॑ ।
अ॒स्य॒न्तः॑ । अ॒न्त॒र् य॒च्छ॑ । य॒च्छ॑ म॒घ॒व॒न् । म॒घ॒व॒न् पा॒हि॑ ।
म॒घ॒न॒न्नि॒ति॑ म॒घ॒ - व॒न् । पा॒हि॑ सो॒म॒म् । सो॒म॒मु॒रु॒ष्य॑ । उ॒रु॒ष्य॑ रा॒यः॑ ।
रा॒यः॑ स॒म् । स॒मि॒षः॑ । इ॒षो॑ य॒ज॒स्व॑ । य॒ज॒स्वा॒न्तः॑ । अ॒न्त॒स्ते॑ ॥
ते॒ द॒धा॒मि॑ । द॒धा॒मि॑ द्या॒वा॒पृ॒थि॒वी॑ । द्या॒वा॒पृ॒थि॒वी॑ अ॒न्तः॑ ।
द्या॒वा॒पृ॒थि॒वी॑ इ॒ति॒ द्या॒वा॒ - पृ॒थि॒वी॑ । अ॒न्त॒रु॒रु॑ । उ॒र्व॒न्त॒रि॒क्ष॒म् ।

प्रथम काण्डे - चतुर्थः प्रश्नः - (TS 1.4)

अ॒न्तरि॑क्षꣳ स॒जोषाः॑ । स॒जोषा॑ दे॒वैः । स॒जोषा॑ इति स - जोषा॑ ।
 दे॒वैर॑वरैः । अ॒वरैः॑ परैः॑ । परैश्च॑ । चा॒न्तर्या॑मे । अ॒न्तर्या॑मे म॒घव॑न् ।
 अ॒न्तर्या॑म इत्यन्तः - या॒मे । म॒घव॑न् मा॒दय॑स्व । म॒घव॑न्निति
 म॒घ - व॑न् । मा॒दय॑स्व स्वा॒ङ्कृतः॑ । स्वा॒ङ्कृतोऽसि॑ । अ॒सि
 म॒धुम॑तीः । म॒धुम॑तीर् नः । म॒धुम॑तीरिति म॒धु - म॑तीः । न इ॒षः ।
 इ॒षस्कृ॑धि । कृ॒धि वि॒श्वेभ्यः॑ । वि॒श्वेभ्य॑स्त्वा । त्वे॒न्द्रिये॑भ्यः ।
 इ॒न्द्रिये॑भ्यो दि॒व्येभ्यः॑ । दि॒व्येभ्यः॑ पा॒र्थिवे॑भ्यः । पा॒र्थिवे॑भ्यो म॒नः ।
 म॒नस्त्वा । त्वाऽष्टु॑ । अ॒ष्टू॒रु । उ॒र्वन्तरि॑क्षम् । अ॒न्तरि॑क्षम॒नु । अ॒न्विहि॑ ।
 इ॒हि स्वा॑हा ॥ स्वा॑हा त्वा । त्वा सु॒भवः॑ । सु॒भवः॑ सू॒र्याय॑ । सु॒भव
 इति सु॒-भवः॑ । सू॒र्याय॑ दे॒वेभ्यः॑ () । दे॒वेभ्य॑स्त्वा । त्वा म॒रीचि
 पे॑भ्यः । म॒रीचि॑पेभ्य ए॒ष । म॒रीचि॑पेभ्य इति म॒रीचि॑ - पे॑भ्यः ।
 ए॒ष ते॑ । ते यो॒निः । यो॒निर॑पा॒नाय॑ । अ॒पा॒नाय॑ त्वा ।
 अ॒पा॒नाये॑त्यप - अ॒नाय॑ । त्वेति॑ त्वा ॥ 4 (57/57)

(दे॒वेभ्यः॑-स॒प्त च॑) (A3)

T.S.1.4.4.1 - Kramam

आ वा॒यो । वा॒यो भू॒ष । वा॒यो इति॑ वा॒यो । भू॒ष शु॒चि॒पाः ।
 शु॒चि॒पा उप॑ । शु॒चि॒पा इति॑ शु॒चि - पाः । उप॑ नः । नः स॒हस्र॑म् ॥
 स॒हस्र॑म् ते । ते नि॒युतः॑ । नि॒युतो॑ विश्व॒वार । नि॒युत इति॑ नि - युतः॑ ।
 विश्व॒वारेति॑ विश्व - वार ॥ उपो॑ ते । उपो॑ इत्युपो॑ । ते अन्धः॑ ।
 अन्धो॑ म॒द्यम् ॥ म॒द्यम॑यामि । अ॒यामि॑ यस्य॑ । यस्य॑ देव॑ । देव॑ दधि॒षे ।
 दधि॒षे पूर्व॑पेयम् ॥ पूर्व॑पेयमि॒ति पूर्व - पेय॑म् ॥ उप॒याम॑गृहीतोऽसि॑ ।
 उप॒याम॑गृहीत इत्युप॒याम - गृहीतः॑ । असि॑ वा॒यवे॑ । वा॒यवे॑ त्वा ।
 त्वेन्द्र॑वायू । इन्द्र॑वायू इ॒मे । इन्द्र॑वायू इतीन्द्र - वा॒यू । इ॒मे सु॒ताः ।
 सु॒ता इति॑ सु॒ताः ॥ उप॑ प्रयो॒भिः । प्रयो॒भिरा॑ । प्रयो॒भिरिति॑
 प्रयः॑ - भिः । आ ग॒तम् । ग॒तमिन्द्र॑वः । इन्द्र॑वो वा॒म् । वा॒मुश॑न्ति ।
 उ॒शन्ति॑ हि । ही॒ति हि ॥ उप॒याम॑गृहीतोऽसि॑ । उप॒याम॑गृहीत
 इत्युप॒याम - गृहीतः॑ । अ॒सीन्द्र॑वायु॒भ्याम् ॥ इन्द्र॑वायु॒भ्याम् त्वा ।
 इन्द्र॑वायु॒भ्यामितीन्द्र॑वायु - भ्याम् । त्वैषः॑ । एष॑ ते॑ । ते यो॒निः ।
 यो॒निः स॒जोषा॑भ्याम् । स॒जोषा॑भ्याम् त्वा ।

प्रथम काण्डे - चतुर्थः प्रश्नः - (TS 1.4)

स॒जोषा॑भ्यामि॒ति स - जोषा॑भ्याम् । त्वेति॑ त्वा ॥ 5 (43/53)

(आ वा॑यो - त्रिच॑त्वारि॒ंशत्) (A4)

T.S.1.4.5.1 - Kramam

अ॒यं वा॑म् । वा॒म् मि॒त्राव॑रुणा । मि॒त्राव॑रुणा सु॒तः ।
मि॒त्राव॑रुणेति॑ मि॒त्रा - व॒रुणा । सु॒तः सोमः॑ । सोम॑ ऋ॒तावृ॑धा ।
ऋ॒तावृ॑धेत्यृ॒त - वृ॒धा ॥ ममे॑त् । इ॒दिह॑ । इ॒ह श्रु॑तम् । श्रु॒तं ह॑वम् ।
ह॒वमि॑ति॒ हव॑म् ॥ उ॒प॒या॒म॒गृ॒हीतो॑ऽसि । उ॒प॒या॒म॒गृ॒हीत॑
इ॒त्यु॒प॒या॒म - गृ॒हीतः॑ । अ॒सि मि॒त्राव॑रुणाभ्याम् । मि॒त्राव॑रुणाभ्याम्
त्वा । मि॒त्राव॑रुणाभ्यामि॒ति मि॒त्रा - व॒रुणा॑भ्याम् । त्वैषः॑ । ए॒ष ते॑ ॥
ते यो॑निः । यो॑निर्. ऋ॒तायु॑भ्याम् । ऋ॒तायु॑भ्याम् त्वा ।
ऋ॒तायु॑भ्यामित्यृ॒तायु॑ - भ्याम् । त्वेति॑ त्वा ॥ 6 (20/24)

(अ॒यं वा॑ - वि॒ंशतिः) (A5)

T.S.1.4.6.1 - Kramam

या वा॑म् । वा॒म् क॒शा । क॒शा म॑धु॒मती॑ । म॑धु॒म॒त्यश्चि॑ना । म॑धु॒म॒तीति॑
म॑धु - म॒ती । अ॒श्चि॑ना सू॒नृता॑वती । सू॒नृता॑वतीति॑ सू॒नृता॑ - व॒ती ॥
तया॑ य॒ज्ञम् । य॒ज्ञम् मि॑मि॒क्षत॑म् । मि॒मि॒क्षत॑मि॒ति मि॑मि॒क्षत॑म् ॥

तैत्तिरीय संहिता क्रम पाठे (TS 1.4)

उप॒याम॑गृ॒हीतोऽसि॑ । उप॒याम॑गृ॒हीत॑ इत्युप॒याम॑ – गृ॒हीतः॑ ।
अस्य॑श्चि॒भ्याम् ॥ अश्चि॑भ्याम् त्वा । अश्चि॑भ्यामित्यश्चि – भ्याम् ।
त्वैषः॑ । एष॑ ते ॥ ते॒ योनिः॑ । योनि॑र् मा॒ध्वी॑भ्याम् । मा॒ध्वी॑भ्याम्
त्वा । त्वेति॑ त्वा ॥ 7 (18/21) (या वा॑- म॒ष्टाद॑श) (A6)

T.S.1.4.7.1 - Kramam

प्रा॒तर्यु॑जौ वि । प्रा॒तर्यु॑जा॒विति॑ प्रा॒तः – यु॒जौ ॥ वि मु॑च्येथाम् ।
मु॒च्येथा॑मश्चि॒नौ । अश्चि॑ना॒वा । ए॒ह । इ॒ह ग॑च्छतम् । ग॒च्छत॑मिति॑
ग॒च्छत॑म् ॥ अस्य॑ सोम॒स्य । सोम॑स्य पी॒तये॑ ॥ पी॒तय॑ इति॑ पी॒तये॑ ॥
उप॒याम॑गृ॒हीतोऽसि॑ । उप॒याम॑गृ॒हीत॑ इत्युप॒याम॑ – गृ॒हीतः॑ ।
अस्य॑श्चि॒भ्याम् ॥ अश्चि॑भ्याम् त्वा । अश्चि॑भ्यामित्यश्चि – भ्याम् ।
त्वैषः॑ । एष॑ ते ॥ ते॒ योनिः॑ । योनि॑रश्चि॒भ्याम् ॥ अश्चि॑भ्याम् त्वा ।
अश्चि॑भ्यामित्यश्चि – भ्याम् । त्वेति॑ त्वा ॥ 8 (19/23)

(प्रा॒तर्यु॑जा॒वे-का॒न्न वि॑शतिः) (A7)

T.S.1.4.8.1 - Kramam

अयं॑ वे॒नः । वे॒नश्चो॑दयत् । चो॒दयत्॑ पृ॒श्नि॑गर्भाः ।
पृ॒श्नि॑गर्भा॒ ज्योति॑र्जरायुः । पृ॒श्नि॑गर्भा॒ इति॑ पृ॒श्नि॑ – गर्भाः॑ ।

प्रथम काण्डे - चतुर्थः प्रश्नः - (TS 1.4)

ज्योति॑र्जरायू॑ रजसः॑ । ज्योति॑र्जरायुरि॒ति ज्योतिः॑ - जरायुः॑ । रजसो॑
विमाने॑ ॥ विमान॑ इति॒ वि - माने॑ ॥ इमम॑पाम् । अपा॑ꣳ सङ्गमे॑ ।
सङ्गमे॑ सूर्यस्य॑ । सङ्गम॑ इति॒ सम् - गमे॑ । सूर्यस्य॑ शिशु॑म् ।
शिशु॑न् । न विप्राः॑ । विप्रा॑ मतिभिः॑ । मति॑भी रिहन्ति॑ । मतिभि॑रिति॒
मति-भिः॑ । रिहन्तीति॑ रिहन्ति॑ ॥ उपया॑मगृहीतोऽसि॑ । उपया॑मगृहीत
इत्युपया॑म - गृहीतः॑ । असि॑ शण्डाय॑ । शण्डाय॑ त्वा । त्वैषः॑ ।
एष॑ ते॑ । ते योनिः॑ । योनि॑र् वीरता॑म् । वीरता॑म् पाहि॑ ।
पाहीति॑ पाहि ॥ 9 (25/30) (अयं॑ वै॒नः- पञ्चवि॑ंशतिः) (A8)

T.S.1.4.9.1 - Kramam

तम् प्र॑त्नथा॑ । प्र॑त्नथा॑ पूर्वथा॑ । पूर्वथा॑ विश्वथा॑ । विश्व॑थेमथा॑ ।
इमथा॑ ज्येष्ठ॑तातिम् । ज्येष्ठ॑तातिम् बर्हि॑षदम् । ज्येष्ठ॑तातिमि॒ति
ज्येष्ठ॑ - तातिम् । बर्हि॑षदꣳ सुव॑र्विदम् ।
बर्हि॑षदमि॒ति बर्हि॑ - सदम् । सुव॑र्विदम् प्रती॑चीनम् ।
सुव॑र्विदमि॒ति सुवः॑ - विदम् । प्रती॑चीनं वृ॑जनम् । वृ॑जनम् दोह॑से ।
दोह॑से गिरा॑ । गिरा॑ꣳशुम् । आ॑शुम् जय॑न्तम् । जय॑न्तमनु॑ ।
अनु॑ यासु॑ । यासु॑ वर्ध॑से । वर्ध॑स इति॒ वर्ध॑से ॥ उपया॑मगृहीतोऽसि॑ ।

तैत्तिरीय संहिता क्रम पाठे (TS 1.4)

उपयाम॑गृ॒हीत॑ इत्यु॒पयाम॑ – गृ॒हीतः॑ । अ॒सि॒ मर्का॑य । मर्का॑य त्वा ।
त्वै॒षः । ए॒ष ते॑ ॥ ते॒ योनिः॑ । योनिः॑ प्र॒जाः । प्र॒जाः पा॑हि ।
प्र॒जा इति॑ प्र – जाः । पा॒हीति॑ पाहि ॥ 10 (26/31)

(तं प्र॒लथा॑-षट्॒विंश॑तिः) (A9)

T.S.1.4.10.1 - Kramam

ये दे॒वाः । दे॒वा दि॒वि । दि॒व्येका॑दश । ए॒काद॑श स्थ । स्थ पृ॒थि॒व्याम् ।
पृ॒थि॒व्यामधि॑ । अ॒ध्येका॑दश । ए॒काद॑श स्थ । स्था॒प्सुष॑दः । अ॒प्सुष॑दो
महि॒ना । अ॒प्सुष॑द इत्य॒प्सु – स॑दः । म॒हि॒नैका॑दश । ए॒काद॑श स्थ ।
स्थ ते॑ । ते दे॒वाः । दे॒वा य॒ज्ञम् । य॒ज्ञमि॒मम् । इ॒मम् जु॑षध्वम् ।
जु॒षध्व॑मु॒पयाम॑गृ॒हीतः॑ । उ॒पयाम॑गृ॒हीतो॑ऽसि । उ॒पयाम॑गृ॒हीत
इत्यु॒पयाम॑ – गृ॒हीतः॑ । अ॒स्याग्र॑यणः । आ॒ग्रय॑णो॑ऽसि । अ॒सि
॥ ॥ स्वा॒ग्रय॑णः । स्वा॒ग्रय॑णो जि॒न्व । स्वा॒ग्रय॑ण इति॒ सु – आ॒ग्रय॑णः ।
जि॒न्व य॒ज्ञम् । य॒ज्ञम् जि॒न्व । जि॒न्व य॒ज्ञप॑तिम् । य॒ज्ञप॑तिम॒भि ।
य॒ज्ञप॑तिमि॒ति य॒ज्ञ – प॑तिम् । अ॒भि स॑वना । स॑वना पाहि । पा॒हि
वि॒ष्णुः । वि॒ष्णु॒स्त्वाम् । त्वाम् पा॑तु । पा॒तु वि॒शम् । वि॒शम् त्वम् ।
त्वम् पा॑हि । पा॒हीन्द्रि॑येण । इन्द्रि॑येणै॒षः । ए॒ष ते॑ ॥ ते॒ योनिः॑ ।

प्रथम काण्डे - चतुर्थः प्रश्नः - (TS 1.4)

योनिर् विश्वेभ्यः । विश्वेभ्यस्त्वा । त्वा देवेभ्यः । देवेभ्य इति
देवेभ्यः ॥ 11 (43/47) (ये देवा-स्त्रिचत्वारिंशत्) (A10)

T.S.1.4.11.1 - Kramam

त्रिंशत् त्रयः । त्रयश्च । च गणिनः । गणिनो रुजन्तः । रुजन्तो
दिवम् । दिव् रुद्राः । रुद्राः पृथिवीम् । पृथिवीम् च । च सचन्ते ।
सचन्त इति सचन्ते ॥ एकादशासौ अफ्सुषदः । अफ्सुषदः सुतम् ।
अफ्सुषद इत्यफ्सु - सदः । सुतं सोमम् । सोमम् जुषन्ताम् ।
जुषन्तां सवनाय । सवनाय विश्वे । विश्व इति विश्वे ॥
उपयामगृहीतोऽसि । उपयामगृहीत इत्युपयाम-गृहीतः । अस्याग्रयणः ।
आग्रयणोऽसि । असि स्वाग्रयणः । स्वाग्रयणो जिन्व । स्वाग्रयण
इति सु-आग्रयणः । जिन्व यज्ञम् । यज्ञम् जिन्व । जिन्व यज्ञपतिम् ।
यज्ञपतिमभि । यज्ञपतिमिति यज्ञ - पतिम् । अभि सवना ।
सवना पाहि । पाहि विष्णुः । विष्णुस्त्वाम् । त्वाम् पातु । पातु विशम् ।
विशम् त्वम् । त्वम् पाहि । पाहीन्द्रियेण । इन्द्रियेणैषः । एष ते ।
ते योनिः । योनिर् विश्वेभ्यः । विश्वेभ्यस्त्वा । त्वा देवेभ्यः ।

दे॒वेभ्य॑ इति॑ दे॒वेभ्यः॑ ॥ 12 (42/46)

(त्रि॑ंशत्त्रयो॒-द्विच॑त्वारि॒ंशत्) (A11)

T.S.1.4.12.1 - Kramam

उप॒याम॑गृहीतोऽसि॑ । उप॒याम॑गृहीत॒ इत्यु॑पयाम - गृहीतः॑ ।
 असीन्द्राय॑ । इन्द्राय॑ त्वा । त्वा बृहद्वते॑ । बृहद्वते॑ वयस्वते॑ । बृहद्वत॑
 इति॑ बृहत् - वते॑ । वयस्वत॑ उक्थायुवे॑ । उक्थायुवे॑ यत् । उक्थायुव॑
 इत्युक्थ॑-युवे॑ । यत्ते॑ । त इन्द्र॑ । इन्द्र॑ बृहत् । बृहद् वयः॑ । वयस्तस्मै॑ ।
 तस्मै॑ त्वा । त्वा विष्णावे॑ । विष्णावे॑ त्वा । त्वैषः॑ । एष॑ ते॑ । ते योनिः॑ ।
 योनिरिन्द्राय॑ । इन्द्राय॑ त्वा । त्वोक्थायुवे॑ । उक्थायुव॑ इत्युक्थ॑-युवे॑ ॥

13 (22/25) (उप॒याम॑गृहीतोऽसीन्द्राय॑-द्वावि॑ंशतिः) (A12)

T.S.1.4.13.1 - Kramam

मूर्धानम्॑ दिवः॑ । दिवो॑ अरतिम्॑ । अरतिम्॑ पृथिव्याः॑ ।
 पृथिव्या॑ वैश्वानरम्॑ । वैश्वानरमृताय॑ । ऋताय॑ जातम्॑ । जातमग्निम्॑ ।
 अग्निमित्यग्निम्॑ ॥ कवि॑ं सम्राजम्॑ । सम्राजमतिथिम्॑ । सम्राजमिति॑
 सम् - राजम्॑ । अतिथिम्॑ जनानाम्॑ । जनानामासन्॑ । आसन्ना॑ ।
 आ पात्रम्॑ । पात्रम्॑ जनयन्त॑ । जनयन्त॑ देवाः॑ । देवा इति॑ देवाः॑ ॥

प्रथम काण्डे - चतुर्थः प्रश्नः - (TS 1.4)

उपयामगृहीतोऽसि । उपयामगृहीत इत्युपयाम-गृहीतः । अस्यग्नये ॥
 अग्नये ॥ त्वा । त्वा वैश्वानराय । वैश्वानराय ध्रुवः । ध्रुवोऽसि । असि
 ध्रुवक्षितिः । ध्रुवक्षितिर् ध्रुवाणाम् ॥ ध्रुवक्षितिरिति ध्रुव - क्षितिः ।
 ध्रुवाणाम् ध्रुवतमः । ध्रुवतमोऽच्युतानाम् । ध्रुवतम इति ध्रुव-तमः ।
 अच्युतानामच्युतक्षित्तमः । अच्युतक्षित्तम एषः । अच्युतक्षित्तम
 इत्यच्युतक्षित् - तमः । एष ते । ते योनिः । योनिरग्नये ॥ अग्नये ॥
 त्वा । त्वा वैश्वानराय । वैश्वानरायेति वैश्वानराय ॥ 14 (35/40)

(मूर्द्धनि-पञ्चत्रिंशत्) (A13)

T.S.1.4.14.1 - Kramam

मधुश्च । च माधवः । माधवश्च । च शुक्रः । शुक्रश्च । च शुचिः ।
 शुचिश्च । च नभः । नभश्च । च नभस्यः । नभस्यश्च । चेषः । इषश्च ।
 चोर्जः । ऊर्जश्च । च सहः । सहश्च । च सहस्यः । सहस्यश्च ।
 च तपः । तपश्च । च तपस्यः । तपस्यश्च । चोपयामगृहीतः ।
 उपयामगृहीतोऽसि । उपयामगृहीत इत्युपयाम - गृहीतः ।
 असि स॒सर्पः । स॒सर्पोऽसि । स॒सर्प इति सम् - सर्पः ।
 अस्य॒हस्पत्याय । अ॒हस्पत्याय त्वा ।

अ॒ह॒स्प॒त्याये॒त्य॒हः॑ - प॒त्याय॑ । त्वे॒ति॒ त्वा ॥ 15 (30/33)

(मधुश्च-त्रिंशत्) (A14)

T.S.1.4.15.1 - Kramam

इ॒न्द्रा॒ग्नी॒ आ । इ॒न्द्रा॒ग्नी॒ इ॒तीन्द्र॑-अ॒ग्नी॒ । आ॒ ग॒तम् । ग॒तञ् सु॒तम् ।
सु॒तम् गी॒र्भिः॑ । गी॒र्भिर् न॒भः॑ । न॒भो व॑रे॒ण्यम् । व॑रे॒ण्यमि॒ति व॑रे॒ण्यम् ॥

अ॒स्य पा॑तम् । पा॒तम् धि॒या । धि॒येषि॑ता । इ॒षि॒तेती॑षि॒ता ॥

उ॒प॒या॒म॒गृ॒हीतो॑ऽसि । उ॒प॒या॒म॒गृ॒हीत॑ इ॒त्यु॒प॒या॒म - गृ॒हीतः॑ ।

अ॒सीन्द्रा॑ग्नि॒भ्याम् । इ॒न्द्रा॑ग्नि॒भ्याम् त्वा ।

इ॒न्द्रा॑ग्नि॒भ्यामि॒तीन्द्रा॑ग्नि - भ्याम् । त्वै॒षः । ए॒ष ते॑ । ते॒ योनिः॑ ।

यो॒नि॒रिन्द्रा॑ग्नि॒भ्याम् । इ॒न्द्रा॑ग्नि॒भ्याम् त्वा ।

इ॒न्द्रा॑ग्नि॒भ्यामि॒तीन्द्रा॑ग्नि - भ्याम् । त्वे॒ति॒ त्वा ॥ 16 (20/24)

(इन्द्राग्नी विंशतिः) (A15)

T.S.1.4.16.1 - Kramam

ओ॒मा॒सश्च॑र्ष॒णीधृ॑तः । च॒र्ष॒णीधृ॑तो॒ विश्वे॑ । च॒र्ष॒णीधृ॑त॒ इति॑
च॒र्ष॒णि-धृ॑तः । विश्वे॑ दे॒वासः॑ । दे॒वास॑ आ । आ॒ ग॒त । ग॒तेति॑ ग॒त ॥

दा॒श्वाञ्सो॑ दा॒शुषः॑ । दा॒शुषः॑ सु॒तम् । सु॒तमि॑ति॒ सु॒तम् ॥

प्रथम काण्डे - चतुर्थः प्रश्नः - (TS 1.4)

उप॒याम॑गृ॒हीतो॑ऽसि । उप॒याम॑गृ॒हीत॑ इत्युप॒याम॑ - गृ॒हीतः॑ । अ॒सि
विश्वे॑भ्यः । विश्वे॑भ्यस्त्वा । त्वा दे॒वेभ्यः॑ । दे॒वेभ्य॑ ए॒षः । ए॒ष ते॑ ।
ते योनिः॑ । योनि॑र् विश्वे॑भ्यः । विश्वे॑भ्यस्त्वा । त्वा दे॒वेभ्यः॑ ।
दे॒वेभ्य॑ इति॑ दे॒वेभ्यः॑ ॥ 17 (20/22)

(ओमासो वि॒श्रुतिः॑) (A16)

T.S.1.4.17.1 - Kramam

मरु॑त्वन्तं वृ॒षभ॑म् । वृ॒षभं॑ वावृ॒धान॑म् । वावृ॒धान॑मक॒वारि॑म् ।
अक॒वारि॑म् दि॒व्यम् । अक॒वारि॑मित्यक॒वा-अ॒रि॑म् । दि॒व्यं शा॒सम् ।
शा॒समिन्द्र॑म् । इन्द्र॑मितीन्द्र॑म् ॥ विश्वा॑साह॒मवसे॑ । विश्वा॑साह॒मिति॑
विश्व॑ - साह॑म् । अव॑से नू॒तना॑य । नू॒तना॑यो॒ग्रम् । उ॒ग्रं स॒होदा॑म् ।
स॒होदा॑मिह । स॒होदा॑मिति॑ सहः - दा॑म् । इ॒ह तम् । तं हु॒वेम॑ ।
हु॒वेमेति॑ हु॒वेम॑ । उप॒याम॑गृ॒हीतो॑ऽसि । उप॒याम॑गृ॒हीत॑
इत्युप॒याम॑ - गृ॒हीतः॑ । अ॒सीन्द्रा॑य । इन्द्रा॑य त्वा । त्वा मरु॑त्वते ।
मरु॑त्वत ए॒षः । ए॒ष ते॑ । ते योनिः॑ । योनि॑रिन्द्रा॑य । इन्द्रा॑य त्वा ।
त्वा मरु॑त्वते । मरु॑त्वत इति॑ मरु॑त्वते ॥ 18 (26/30)

(मरु॑त्वन्तं-षट्॒विश्रुतिः॑) (A17)

तैत्तिरीय संहिता क्रम पाठे (TS 1.4)

T.S.1.4.18.1 - Kramam

इन्द्र॑ मरु॒त्वः । मरु॒त्व इ॒ह । इ॒ह पा॒हि । पा॒हि सोम॑म् । सोमं॑ यथा॑ ॥
यथा॑ शार्या॒ते । शार्या॒ते अपि॑बः । अपि॑बः सु॒तस्य॑ । सु॒तस्येति॑
सु॒तस्य॑ ॥ तव॑ प्र॒णीती॑ । प्र॒णीती॑ तव॑ । प्र॒णीतीति॑ प्र - नी॒ती ।
तव॑ शूर॑ । शूर॑ शर्म॒न् । शर्म॒न्ना । आ वि॒वासन्ति॑ ।
वि॒वासन्ति॑ कव॒यः । कव॒यः सु॒यज्ञाः॑ । सु॒यज्ञा इति॑ सु - य॒ज्ञाः ॥
उप॒याम॑गृहीतोऽसि॑ । उप॒याम॑गृही॒त इत्यु॑प॒याम - गृही॑तः ।
असीन्द्रा॑य । इन्द्रा॑य त्वा । त्वा मरु॒त्वते॑ । मरु॒त्वत॑ ए॒षः । ए॒ष ते॑ ॥
ते योनिः॑ । योनि॑रिन्द्रा॒य । इन्द्रा॑य त्वा । त्वा मरु॒त्वते॑ ।
मरु॒त्वत॑ इति॑ मरु॒त्वते॑ ॥ 19 (29/31) (इन्द्रै॑कान्न॒ त्रि॒शत्) (A18)

T.S.1.4.19.1 - Kramam

मरु॒त्वाꣳ इन्द्र॑ । इन्द्र॑ वृष॒भः । वृष॒भो रणा॑य । रणा॑य पि॒ब ।
पि॒बा सोम॑म् । सोम॑मनुष्व॒धम् । अनु॑ष्व॒धम् मदा॑य ।
अनु॑ष्व॒धमित्य॑नु - स्व॒धम् । मदा॑येति॑ मदा॑य ॥ आ सिञ्च॑स्व ।
सिञ्च॑स्व ज॒ठरे॑ ॥ ज॒ठरे॑ मद्ध्वः॑ । मद्ध्व॑ ऊ॒र्मिम् । ऊ॒र्मिम् त्वम्॑ ।

प्रथम काण्डे – चतुर्थः प्रश्नः – (TS 1.4)

त्वञ्॑ राजा॑ । राजा॑ऽसि । असि॑ प्र॒दिवः॑ । प्र॒दिवः॑ सु॒तानाम्॑ । प्र॒दिव॑
इति॑ प्र – दिवः॑ । सु॒तानामि॑ति सु॒तानाम्॑ ॥ उप॒याम॑गृहीतोऽसि ।
उप॒याम॑गृहीत इत्युप॒याम – गृहीतः॑ । अ॒सीन्द्राय॑ । इन्द्राय॑ त्वा ।
त्वा मरु॑त्वते । मरु॑त्वत ए॒षः । ए॒ष ते॑ ॥ ते योनिः॑ । योनि॑रिन्द्राय ।
इन्द्राय॑ त्वा । त्वा मरु॑त्वते । मरु॑त्वत इति॑ मरु॑त्वते ॥ 20 (29/32)

(मरुत्वानेकान्न त्रिंशत्) (A19)

T.S.1.4.20.1 - Kramam

महाञ्॑ इन्द्रः॑ । इन्द्रो॑ यः । य ओज॑सा । ओज॑सा पर्जन्यः॑ । पर्जन्यो॑
वृष्टि॑मान् । वृष्टि॑माञ् इव । वृष्टि॑मानिति॑ वृष्टि – मान् । इवे॑तीव ॥
स्तोमैर्॑ वथ्सस्य॑ । वथ्सस्य॑ वावृधे॑ । वावृध॑ इति॑ वावृधे ॥
उप॒याम॑गृहीतोऽसि । उप॒याम॑गृहीत इत्युप॒याम – गृहीतः॑ । अ॒सि
महेन्द्राय॑ । महेन्द्राय॑ त्वा । महेन्द्रायेति॑ महा – इन्द्राय॑ । त्वैषः॑ ।
ए॒ष ते॑ ॥ ते योनिः॑ । योनि॑र् महेन्द्राय॑ । महेन्द्राय॑ त्वा ।
महेन्द्रायेति॑ महा – इन्द्राय॑ । त्वेति॑ त्वा ॥ 21 (19/23)

(महानेकान्न-विंशतिः) (A20)

T.S.1.4.21.1 - Kramam

महा॑ इन्द्रः॑ । इन्द्रो॑ नृ॒वत् । नृ॒वदा । नृ॒वदिति॑ नृ - वत् ।
 आ च॑र्षणि॒प्राः । च॑र्षणि॒प्रा उ॒त । च॑र्षणि॒प्रा इति॑
 च॑र्षणि - प्राः । उ॒त द्वि॒बर्हाः॑ ॥ द्वि॒बर्हा॑ अ॒मिनः॑ । द्वि॒बर्हा॑
 इति॑ द्वि - बर्हाः॑ । अ॒मिनः॑ स॒होभिः॑ । स॒होभि॑रिति॒ सहः॑ - भिः ॥
 अ॒स्मद्रि॑यग् वावृ॒धे । अ॒स्मद्रि॑यगि॒त्यस्म - द्रि॑यक् । वावृ॒धे वी॒र्या॑य ।
 वी॒र्या॑यो॒रुः । उ॒रुः पृ॒थुः । पृ॒थुः सु॒कृतः॑ । सु॒कृतः॑ क॒र्तृभिः॑ । सु॒कृत
 इति॑ सु - कृतः॑ । क॒र्तृभि॑र् भूत् । क॒र्तृभि॑रिति॒ कर्तृ - भिः॑ । भू॒दिति॑
 भूत् ॥ उ॒पया॑म॒गृही॑तोऽसि । उ॒पया॑म॒गृही॑त इत्यु॒पया॑म - गृ॒हीतः॑ ।
 अ॒सि म॒हेन्द्रा॑य । म॒हेन्द्रा॑य त्वा । म॒हेन्द्रा॑येति॒ महा - इन्द्रा॑य ।
 त्वैषः॑ । ए॒ष ते॑ ॥ ते॒ योनिः॑ । योनि॑र् म॒हेन्द्रा॑य । म॒हेन्द्रा॑य त्वा ।
 म॒हेन्द्रा॑येति॒ महा - इन्द्रा॑य । त्वेति॑ त्वा ॥ 22 (26/35)

(महान् नृवत् - षड्विंशतिः) (A21)

T.S.1.4.22.1 - Kramam

कदा॑ च॒न । च॒न स्त॑रीः । स्त॑रीर॒सि । अ॒सि न । नेन्द्र॑ ।
 इन्द्र॑ स॒श्रसि॑ । स॒श्रसि॑ दा॒शुषे॑ ॥ दा॒शुषे॑ इति॑ दा॒शुषे॑ ॥ उ॒पो॒पेत् ।

प्रथम काण्डे - चतुर्थः प्रश्नः - (TS 1.4)

उपो॒पेत्यु॑प - उप ॥ इ॒न्नु । नु॑ म॒घव॑न् । म॒घव॑न् भू॒यः । म॒घव॑न्निति
 म॒घ - व॒न् । भू॒य इत् । इ॒न्नु । नु॑ ते ॥ ते॑ दान॒म् । दान॑म् दे॒वस्य॑ ।
 दे॒वस्य॑ पृ॒च्यते । पृ॒च्यत॑ इति॒ पृ॒च्यते ॥ उप॒याम॑गृहीतोऽसि ।
 उप॒याम॑गृहीत॒ इत्यु॑पयाम - गृहीतः । अ॒स्यादि॒त्येभ्यः॑ ।
 आ॒दि॒त्येभ्य॑स्त्वा । त्वेति॑ त्वा ॥ क॒दा च॒न । च॒न प्र॑ । प्र॒ युच्छ॑सि ।
 युच्छ॑स्यु॒भे । उ॒भे नि॑ । उ॒भे इत्यु॑भे । नि॒ पा॒सि । पा॒सि ज॑न्मनि ।
 ज॑न्मनी॒ इति॑ ज॒न्मनी॑ ॥ तुरी॑यादि॒त्य । आ॒दि॒त्य स॑वनम् । स॑वनम् ते ।
 त इन्द्रि॑यम् । इन्द्रि॑यमा । आ त॑स्थौ । त॒स्थाव॑मृतम् । अ॒मृत॑म् दि॒वि ।
 दि॒वीति॑ दि॒वि ॥ य॒ज्ञो दे॒वाना॑म् । दे॒वाना॑म् प्र॒ति । प्र॒त्येति॑ । ए॒ति
 सु॒म्नम् । सु॒म्नमा॑दि॒त्यासः॑ । आ॒दि॒त्यासो॑ भवत । भव॑ता मृ॒डय॑न्तः ।
 मृ॒डय॑न्त॒ इति॑ मृ॒डय॑न्तः ॥ आ वः॑ । वो॒र्वाची॑ । अ॒र्वाची॑ सु॒मतिः॑ ।
 सु॒मति॑र् व॒वृ॒त्यात् । सु॒मति॑रिति॒ सु - म॒तिः । व॒वृ॒त्याद॒होः॑ ।
 अ॒होश्चि॑त् । चि॒द्या । या व॑रि॒वोवि॑त्तरा । व॑रि॒वोवि॑त्तरा ऽसत् ।
 व॑रि॒वोवि॑त्तरेति॒ वरि॑वो॒वित्-तरा॑ । अ॒सदि॒त्यस॑त् ॥ वि॒वस्व॑ आ॒दि॒त्य ।

तैत्तिरीय संहिता क्रम पाठे (TS 1.4)

आदित्यैषः । एष ते ॥ ते सोमपीथः । सोमपीथस्तेन । सोमपीथ
इति सोम - पीथः । तेन मन्दस्व । मन्दस्व तेन । तेन तृप्य । तृप्य
तृप्यास्म । तृप्यास्म ते । ते वयम् । वयम् तर्पयितारः । तर्पयितारो या ।
या दिव्या । दिव्या वृष्टिः । वृष्टिस्तया । तया त्वा । त्वा श्रीणामि ।
श्रीणामीति श्रीणामि ॥ 23 (77/84)

(वः- सप्तविंशतिश्च) (A22)

T.S.1.4.23.1 - Kramam

वाममद्य । अद्य सवितः । सवितर् वामम् । वाममु । उ श्वः ।
श्वो दिवेदिवे । दिवेदिवे वामम् । दिवेदिव इति दिवे - दिवे ।
वाममस्मभ्यम् ॥ अस्मभ्यं सावीः । अस्मभ्यमित्यस्म - भ्यम् ।
सावीरिति सावीः ॥ वामस्य हि । हि क्षयस्य । क्षयस्य देव । देव
भूरेः । भूरेरया । अया धिया । धिया वामभाजः । वामभाजः स्याम ।
वामभाज इति वाम-भाजः । स्यामेति स्याम ॥ उपयामगृहीतोऽसि ।
उपयामगृहीत इत्युपयाम - गृहीतः । असि देवाय । देवाय त्वा ।
त्वा सवित्रे । सवित्र इति सवित्रे ॥ 24 (24/28)

(वामं-चतुर्विंशतिः) (A23)

प्रथम काण्डे – चतुर्थः प्रश्नः – (TS 1.4)

T.S.1.4.24.1 - Kramam

अद॒ब्धेभिः॑ स॒वितः॑ । स॒वितः॑ पा॒युभिः॑ । पा॒युभि॑ष्ट्वम् । पा॒युभि॑रिति
पा॒यु – भिः॑ । त्व॑ शि॒वेभिः॑ । शि॒वेभि॑रद्य । अद्य॑ परि । परि॑ पाहि ।
पाहि॑ नः । नो॑ ग॒यम् ॥ ग॒यमि॑ति ग॒यम् ॥ हि॒रण्य॑जिह्वः सु॒विता॑य ।
हि॒रण्य॑जिह्व इति हि॒रण्य – जिह्वः॑ । सु॒विता॑य न॒व्यसे॑ । न॒व्यसे॑ रक्ष ।
रक्षा॑ मा॒किः । मा॒किर्नः॑ । नो॑ अ॒घश॑सः । अ॒घश॑स ई॒शत॑ ।
अ॒घश॑स इत्य॒घ – श॑सः । ई॒शते॑ती॒शत॑ ॥ उ॒पया॑म॒गृही॑तोऽसि ।
उ॒पया॑म॒गृही॑त इत्यु॒पया॑म – गृ॒हीतः॑ । अ॒सि दे॒वाय॑ । दे॒वाय॑ त्वा ।
त्वा स॒वित्रे॑ । स॒वित्र॑ इति स॒वित्रे॑ ॥ 25 (24/27)

(अद॒ब्धेभिः॑-स्त्रि॒योवि॑शतिः) (A24)

T.S.1.4.25.1 - Kramam

हि॒रण्य॑पाणि॒मू॒तये॑ । हि॒रण्य॑पाणि॒मि॒ति हि॒रण्य – पा॒णिम् । ऊ॒तये॑
स॒विता॑रम् ॥ स॒विता॑रमु॒प । उ॒प ह्वये॑ । ह्वय॑ इति ह्वये ॥ स चे॒त्ता ॥
चे॒त्ता दे॒वता॑ ॥ दे॒वता॑ प॒दम् । प॒दमि॑ति प॒दम् ॥ उ॒पया॑म॒गृही॑तोऽसि ।
उ॒पया॑म॒गृही॑त इत्यु॒पया॑म – गृ॒हीतः॑ । अ॒सि दे॒वाय॑ । दे॒वाय॑ त्वा ।

त्वा सवित्रे । सवित्र इति सवित्रे ॥ 26 (14/16)

(हिरण्यपाणिं-चतुर्दश) (A25)

T.S.1.4.26.1 - Kramam

सुशर्माऽसि । सुशर्मेति सु - शर्मा ॥ असि सुप्रतिष्ठानः ।

सुप्रतिष्ठानो बृहत् । सुप्रतिष्ठान इति सु - प्रतिष्ठानः । बृहदुक्षे ।

उक्षे नमः । नम एषः । एष ते । ते योनिः । योनिर् विश्वेभ्यः ।

विश्वेभ्यस्त्वा । त्वा देवेभ्यः । देवेभ्य इति देवेभ्यः ॥ 27 (12/14)

(सुशर्मा-द्वादश) (A26)

T.S.1.4.27.1 - Kramam

बृहस्पतिसुतस्य ते । बृहस्पतिसुतस्येति बृहस्पति - सुतस्य ।

त इन्दो । इन्दो इन्द्रियावतः । इन्दो इतीन्दो । इन्द्रियावतः

पत्नीवन्तम् । इन्द्रियावत इतीन्द्रिय - वतः । पत्नीवन्तम् ग्रहम् ।

पत्नीवन्तमिति पत्नी - वन्तम् । गहम् गृह्णामि । गृह्णाम्यग्ना(3)इ ।

अग्ना(3)इ पत्नीवा(3): । पत्नीवा(3): सजूः । पत्नीवा(3) इति

पत्नी - वा(3): । सजूर् देवेन । सजूरिति स - जूः । देवेन त्वष्टा ॥

प्रथम काण्डे – चतुर्थः प्रश्नः – (TS 1.4)

त्वष्ट्रा॑ सोम॑म् । सोम॑म् पिब । पिब॑ स्वाहा॑ । स्वाहेति॑ स्वाहा॑ ॥ 28

(15/21) (बृहस्पति॑सुतस्य-पञ्चदश) (A27)

T.S.1.4.28.1 - Kramam

हरि॑रसि॑ । अ॒सि॑ हा॒रि॒यो॒ज॒नः॑ । हा॒रि॒यो॒ज॒नो॑ ह॒र्योः॑ । हा॒रि॒यो॒ज॒न इति॑
हा॒रि - यो॒ज॒नः॑ । ह॒र्योः॑ स्था॒ता । स्था॒ता व॒ज्र॑स्य । व॒ज्र॑स्य भ॒र्ता ।
भ॒र्ता पृ॒श्नेः॑ । पृ॒श्नेः॑ प्रे॒ता । प्रे॒ता तस्य॑ । तस्य॑ ते । ते दे॒व ।
दे॒व सोम॑ । सो॒मे॒ष्ट॒य॒जुषः॑ । इ॒ष्ट॒य॒जुषः॑ स्तु॒तस्तो॑मस्य । इ॒ष्ट॒य॒जुष॑
इती॒ष्ट - य॒जुषः॑ । स्तु॒तस्तो॑मस्य श॒स्तो॒क्थ॑स्य । स्तु॒तस्तो॑मस्येति॑
स्तु॒त - स्तो॒मस्य॑ । श॒स्तो॒क्थ॑स्य हरि॑वन्तम् । श॒स्तो॒क्थ॑स्येति॑
श॒स्त - उ॒क्थ॑स्य । हरि॑वन्तम् ग्र॒हम् । हरि॑वन्तमि॒ति हरि॑ - वन्तम् ।
ग्र॒हम् गृ॒ह्णामि॑ । गृ॒ह्णामि॑ ह॒रीः । ह॒रीः स्थ॑ । स्थ॑ ह॒र्योः॑ । ह॒र्योर्
धा॒नाः । धा॒नाः स॒हसो॑माः । स॒हसो॑मा इन्द्रा॑य । स॒हसो॑मा इति॑
स॒ह - सो॒माः । इन्द्रा॑य स्वाहा॑ । स्वाहेति॑ स्वाहा॑ ॥ 29 (26/32)

(हरि॑रसि-षड्विंशतिः) (A28)

T.S.1.4.29.1 - Kramam

अ॒ग्न॒ आ॒यू॒षि॑ । आ॒यू॒षि॑ प॒वसे॑ । प॒वस॒ आ । आ॒ सु॒व ।
सु॒वो॒र्जम्॑ ॥ ऊ॒र्ज॒मि॒षम्॑ । इ॒षम् च॑ । च॒ नः॒ । न॒ इति॑ नः ॥
आ॒रे बा॑धस्व । बा॒धस्व॒ दु॒च्छु॒नाम्॑ ॥ दु॒च्छु॒ना॒मिति॑ दु॒च्छु॒नाम्॑ ॥
उ॒पया॑म॒गृही॑तोऽसि । उ॒पया॑म॒गृही॑त इत्यु॒पया॑म-गृही॑तः । अ॒स्य॒ग्नये॑ ॥
अ॒ग्नये॑ त्वा । त्वा॒ तेज॑स्वते । तेज॑स्वत ए॒षः । ए॒ष ते॑ ॥ ते॒ योनिः॑ ।
यो॒नि॒र॒ग्नये॑ ॥ अ॒ग्नये॑ त्वा । त्वा॒ तेज॑स्वते । तेज॑स्वत इति॒ तेज॑स्वते ॥

30 (23/24) (अ॒ग्न॒ आ॒यू॒षि-त्रयो॑वि॒ंशतिः) (A29)

T.S.1.4.30.1 - Kramam

उ॒त्ति॒ष्ठन्नो॑जसा । उ॒त्ति॒ष्ठन्नित्यु॑त्-ति॒ष्ठन् । ओ॒जसा॑ सह । सह॒ पी॒त्वा ।
पी॒त्वा शि॒प्रे ॥ शि॒प्रे अ॒वेप॑यः । शि॒प्रे इति॑ शि॒प्रे ॥ अ॒वेप॑य
इत्य॒वेप॑यः ॥ सोम॑मिन्द्र । इन्द्र॒ च॒मू । च॒मू सु॒तम् । च॒मू इति॑ च॒मू ।
सु॒तमि॑ति सु॒तम् ॥ उ॒पया॑म॒गृही॑तोऽसि । उ॒पया॑म॒गृही॑त
इत्यु॒पया॑म - गृही॑तः । अ॒सीन्द्रा॑य । इन्द्रा॑य त्वा । त्वौ॒जस्व॑ते ।
ओ॒जस्व॑त ए॒षः । ए॒ष ते॑ ॥ ते॒ योनिः॑ । यो॒नि॒रिन्द्रा॑य । इन्द्रा॑य त्वा ।

त्वौजस्वते । ओजस्वत इत्योजस्वते ॥ 31 (19/25)

(उत्तिष्ठन्नेकविंशतिः) (A30)

T.S.1.4.31.1 - Kramam

तरणिर् विश्वदर्शतः । विश्वदर्शतो ज्योतिष्कृत् । विश्वदर्शत इति
विश्व - दर्शतः । ज्योतिष्कृदसि । ज्योतिष्कृदिति ज्योतिः-कृत् ।
असि सूर्य । सूर्येति सूर्य ॥ विश्वमा । आ भासि । भासि रोचनम् ।
रोचनमिति रोचनम् ॥ उपयामगृहीतोऽसि । उपयामगृहीत
इत्युपयाम-गृहीतः । असि सूर्याय । सूर्याय त्वा । त्वा भ्राजस्वते ।
भ्राजस्वत एषः । एष ते । ते योनिः । योनिः सूर्याय । सूर्याय त्वा ।
त्वा भ्राजस्वते । भ्राजस्वत इति भ्राजस्वते ॥ 32 (20/23)

(तरणि-विंशतिः) (A31)

T.S.1.4.32.1 - Kramam

आ प्यायस्व । प्यायस्व मदिन्तम । मदिन्तम सोम । सोम विश्वाभिः ।
विश्वाभिरूतिभिः । ऊतिभिरित्यूति - भिः ॥ भवा नः ।
नः सप्रथस्तमः । सप्रथस्तम इति सप्रथः - तमः ॥ 33 (9/9)

(आ प्यायस्व-नव) (A32)

T.S.1.4.33.1 - Kramam

ई॒यु॒ष्टे । ते॒ ये । ये॒ पूर्॒व॒तरा॑म् । पूर्॒व॒तरा॑मप॒श्यन् । पूर्॒व॒तरा॑मिति
 पूर्॒व - तरा॑म् । अप॒श्यन् व्यु॑च्छन्ती॑म् । व्यु॑च्छन्ती॑मु॒षस॑म् ।
 व्यु॑च्छन्ती॑मिति॒ वि - उ॒च्छन्ती॑म् । उ॒षस॑म् म॒र्त्यासः॑ । म॒र्त्यास॑ इति
 म॒र्त्यासः॑ ॥ अ॒स्माभि॑रु । ऊ॒ नु । नु॒ प्रति॑चक्ष्या॑ । प्रति॑चक्ष्या॑ऽभूत् ।
 प्रति॑चक्ष्येति॒ प्रति॑-चक्ष्या॑ ॥ अ॒भूदो॑ । ओ॒ ते । ओ॒ इत्यो॑ । ते॒ यन्ति॑ ।
 यन्ति॑ ये । ये॒ अप॑रीषु॑ । अप॑रीषु॑ प॒श्यान् । प॒श्या॒निति॑
 प॒श्यान् ॥ 34 (19/23) (ई॒यु-रे॒कान्न॑ वि॒शतिः॑) (A33)

T.S.1.4.34.1 - Kramam

ज्यो॑तिष्मती॑म् त्वा । त्वा॒ सा॒दया॑मि । सा॒दया॑मि ज्यो॑तिष्कृत॑म् ॥
 ज्यो॑तिष्कृत॑म् त्वा । ज्यो॑तिष्कृत॑मिति॒ ज्योतिः॑ - कृत॑म् ॥
 त्वा॒ सा॒दया॑मि । सा॒दया॑मि ज्यो॑तिर्विद॑म् ॥ ज्यो॑तिर्विद॑म् त्वा ।
 ज्यो॑तिर्विद॑मिति॒ ज्योतिः॑ - विद॑म् ॥ त्वा॒ सा॒दया॑मि । सा॒दया॑मि
 भा॒स्वती॑म् । भा॒स्वती॑म् त्वा । त्वा॒ सा॒दया॑मि । सा॒दया॑मि ज्वल॑न्तीम् ।
 ज्वल॑न्तीम् त्वा । त्वा॒ सा॒दया॑मि । सा॒दया॑मि म॒ल्मला॑भवन्तीम् ।
 म॒ल्मला॑भवन्तीम् त्वा । म॒ल्मला॑भवन्ती॑मिति॒ मल्मला॑ - भव॑न्तीम् ।

प्रथम काण्डे - चतुर्थः प्रश्नः - (TS 1.4)

त्वा सादयामि । सादयामि दीप्यमानाम् । दीप्यमानाम् त्वा । त्वा
सादयामि । सादयामि रोचमानाम् । रोचमानाम् त्वा । त्वा सादयामि ।
सादयाम्यजस्राम् । अजस्राम् त्वा । त्वा सादयामि । सादयामि
बृहज्ज्योतिषम् । बृहज्ज्योतिषम् त्वा । बृहज्ज्योतिषमिति
बृहत् - ज्योतिषम् । त्वा सादयामि । सादयामि बोधयन्तीम् ।
बोधयन्तीम् त्वा । त्वा सादयामि । सादयामि जाग्रतीम् ।
जाग्रतीम् त्वा । त्वा सादयामि । सादयामीति सादयामि ॥ 35

(36/40) (ज्योतिष्मतीं-षट्त्रिंशत्) (A34)

T.S.1.4.35.1 - Kramam

प्रयासाय स्वाहा ॥ प्रयासायेति प्र - यासाय । स्वाहा ऽऽयासाय ।
आयासाय स्वाहा ॥ आयासायेत्या - यासाय । स्वाहा वियासाय ।
वियासाय स्वाहा ॥ वियासायेति वि - यासाय । स्वाहा सम्यासाय ।
सम्यासाय स्वाहा ॥ सम्यासायेति सम्-यासाय । स्वाहोद्यासाय ।
उद्यासाय स्वाहा ॥ उद्यासायेत्युत् - यासाय । स्वाहाऽवयासाय ।
अवयासाय स्वाहा ॥ अवयासायेत्यव - यासाय । स्वाहा शुचे ।
शुचे स्वाहा ॥ स्वाहा शोकाय । शोकाय स्वाहा ॥ स्वाहा तप्यत्वै ।

तैत्तिरीय संहिता क्रम पाठे (TS 1.4)

तप्यत्वै॑ स्वाहा॑ । स्वाहा॑ तपते॑ । तपते॑ स्वाहा॑ । स्वाहा॑ ब्रह्महत्यायै॑ ॥
 ब्रह्महत्यायै॑ स्वाहा॑ । ब्रह्महत्याया॑ इति॑ ब्रह्म - हत्यायै॑ ॥ स्वाहा॑
 सर्वस्मै॑ । सर्वस्मै॑ स्वाहा॑ । स्वाहेति॑ स्वाहा॑ ॥ 36 (24/31)

(प्रयासाय-चतुर्विंशतिः) (A35)

T.S.1.4.36.1 - Kramam

चित्तञ् सन्तानेन॑ । सन्तानेन॑ भवम् । सन्तानेनेति॑ सम् - तानेन॑ ।
 भवं यक्ना॑ । यक्ना॑ रुद्रम् । रुद्रम् तनिम्ना॑ । तनिम्ना॑ पशुपतिम्॑ ।
 पशुपतिञ् स्थूलहृदयेन॑ । पशुपतिमिति॑ पशु - पतिम्॑ ।
 स्थूलहृदयेनाग्निम्॑ । स्थूलहृदयेनेति॑ स्थूल - हृदयेन॑ । अग्निञ्
 हृदयेन॑ । हृदयेन॑ रुद्रम् । रुद्रं लोहितेन॑ । लोहितेन॑ शर्वम्॑ । शर्वम्
 मतस्नाभ्याम्॑ । मतस्नाभ्याम्॑ महादेवम्॑ । महादेव, मन्तःपार्श्वेन॑ ।
 महादेवमिति॑ महा देवम्॑ । अन्तःपार्श्वेनौषिष्ठहनम्॑ ।
 अन्तःपार्श्वेनेत्यन्तः - पार्श्वेन॑ । ओषिष्ठहनञ् शिङ्गीनिकोश्याभ्याम्॑ ।
 ओषिष्ठहनमित्योषिष्ठ - हनम्॑ । शिङ्गीनिकोश्याभ्यामिति॑
 शिङ्गी - निकोश्याभ्याम्॑ ॥ 37 (18/24)

(चित्त-मष्टादश) (A36)

T.S.1.4.37.1 - Kramam

आ तिष्ठ । तिष्ठ वृत्रहन् । वृत्रहन् रथम् ॥ वृत्रहन्निति वृत्र - हन् ।
 रथं युक्ता । युक्ता ते । ते ब्रह्मणा । ब्रह्मणा हरी । हरी इति हरी ॥
 अर्वाचीन् सु । सु ते । ते मनः । मनो ग्रावा । ग्रावा कृणोतु ।
 कृणोतु वग्नुना । वग्नुनेति वग्नुना ॥ उपयामगृहीतोऽसि ।
 उपयामगृहीत इत्युपयाम - गृहीतः । असीन्द्राय । इन्द्राय त्वा ।
 त्वा षोडशिनै । षोडशिन एषः । एष ते । ते योनिः । योनिरिन्द्राय ।
 इन्द्राय त्वा । त्वा षोडशिनै । षोडशिन इति षोडशिनै ॥ 38

(26/28) (आ तिष्ठ-षट्विंशतिः) (A37)

T.S.1.4.38.1 - Kramam

इन्द्रमित् । इद्धरी । हरी वहतः । हरी इति हरी ॥
 वहतो ऽप्रतिधृष्टशवसम् । अप्रतिधृष्टशवस मृषीणाम् ।
 अप्रतिधृष्टशवसमित्यप्रतिधृष्ट-शवसम् । ऋषीणाम् च । च स्तुतीः ।
 स्तुतीरुप । उप यज्ञम् । यज्ञम् च । च मानुषाणाम् । मानुषाणामिति
 मानुषाणाम् ॥ उपयामगृहीतोऽसि । उपयामगृहीत
 इत्युपयाम - गृहीतः । असीन्द्राय । इन्द्राय त्वा । त्वा षोडशिनै ।

षोड॒शिन॑ ए॒षः । ए॒ष ते॑ । ते॒ योनिः॑ । यो॒निरिन्द्रा॑य । इन्द्रा॑य त्वा ।
त्वा षोड॒शिनै॑ ॥ षोड॒शिन॑ इति॒ षोड॒शिनै॑ ॥ 39 (23/26)

(इन्द्रमि॒त्-त्रयो॑वि॒ंशतिः) (A38)

T.S.1.4.39.1 - Kramam

असा॒वि सोमः॑ । सोम॑ इन्द्र॒ । इन्द्र॒ ते । ते॒ शवि॑ष्ठ । शवि॑ष्ठ धृ॒ष्णो ।
धृ॒ष्णावा॑ । आ ग॒हि । ग॒हीति॑ ग॒हि ॥ आ त्वा॑ । त्वा पृ॒णक्तु॑ ।
पृ॒णक्त्विन्द्रि॑यम् । इन्द्रि॑यं रजः॑ । रजः॑ सूर्य॒म् । सूर्य॑न्न ।
न रश्मि॑भिः । रश्मि॑भिरिति॒ रश्मि॑ - भिः ॥ उप॒याम॑गृहीतोऽसि ।
उप॒याम॑गृहीत इत्युप॒याम॑ - गृहीतः॑ । असीन्द्रा॑य । इन्द्रा॑य त्वा ।
त्वा षोड॒शिनै॑ ॥ षोड॒शिन॑ ए॒षः । ए॒ष ते॑ । ते॒ योनिः॑ । यो॒निरिन्द्रा॑य ।
इन्द्रा॑य त्वा । त्वा षोड॒शिनै॑ ॥ षोड॒शिन॑ इति॒ षोड॒शिनै॑ ॥ 40

(27/28) (असा॒वि-सप्त॑वि॒ंशतिः) (A39)

T.S.1.4.40.1 - Kramam

सर्व॑स्य प्रति॒शीव॑री । प्रति॒शीव॑री भूमिः॑ । प्रति॒शीव॑रीति॒
प्रति॑ - शीव॑री । भूमि॑स्त्वा । त्वोप॑स्थे । उप॑स्थ आ । उप॑स्थ
इत्युप॑ - स्थे । आऽधि॑त । अ॒धिते॑त्यधि॒त ॥ स्यो॒नाऽस्मै॑ ॥

प्रथम काण्डे - चतुर्थः प्रश्नः - (TS 1.4)

अ॒स्मै सु॒षदा॑ । सु॒षदा॑ भव । सु॒षदे॑ति सु-सदा॑ । भव॑ यच्छ ।
यच्छा॑स्मै । अ॒स्मै शर्म॑ । शर्म॑ सप्रथाः॑ । सप्रथा॑ इति स - प्रथाः॑ ।
उप॒याम॑गृहीतोऽसि । उप॒याम॑गृहीत॒ इत्युप॑याम - गृहीतः ।
असीन्द्रा॑य । इन्द्रा॑य त्वा । त्वा षोड॑शिने॑ । षोड॑शिन॒ एषः॑ । एष॑ ते॑ ।
ते योनिः॑ । योनिरिन्द्रा॑य । इन्द्रा॑य त्वा । त्वा षोड॑शिने॑ ।
षोड॑शिन॒ इति॑ षोड॑शिने॑ ॥ 41 (26/30)

(सर्वस्य षड्विंशतिः) (A40)

T.S.1.4.41.1 - Kramam

महा॑ इन्द्रः । इन्द्रो॑ वज्रबाहुः । वज्र॑बाहुः षोड॑शी । वज्र॑बाहुरिति॒
वज्र॑ - बाहुः । षोड॑शी शर्म॑ । शर्म॑ यच्छतु॑ । यच्छ॑त्विति॒ यच्छतु॑ ॥
स्वस्ति॑ नः । नो मघवा॑ । मघवा॑ करोतु॑ । मघवे॑ति मघ - वा ।
करोतु॑ हन्तु॑ । हन्तु॑ पाप्मानम् । पाप्मानं॑ यः । योऽस्मान् ।
अस्मान् द्वेष्टि॑ । द्वेष्टी॑ति द्वेष्टि॑ ॥ उप॒याम॑गृहीतोऽसि । उप॒याम॑गृहीत॒
इत्युप॑याम - गृहीतः । असीन्द्रा॑य । इन्द्रा॑य त्वा । त्वा षोड॑शिने॑ ।
षोड॑शिन॒ एषः॑ । एष॑ ते॑ । ते योनिः॑ । योनिरिन्द्रा॑य । इन्द्रा॑य त्वा ।

त्वा षोडशिने॑ । षोडशिन॑ इति षोडशिने॑ ॥ 42 (26/29)

(महान्-षड्विंशतिः) (A41)

T.S.1.4.42.1 - Kramam

सजोषा॑ इन्द्र॑ । सजोषा॑ इति स - जोषाः॑ । इन्द्र॑ सगणः॑ । सगणो॑
मरुद्धिः॑ । सगण॑ इति स - गणः॑ । मरुद्धिः॑ सोमम् । मरुद्धिरिति॑
मरुत् - भिः॑ । सोमम् पिब । पिब वृत्रहन् । वृत्रहञ्छूर । वृत्रहन्निति॑
वृत्र - हन् । शूर॑ विद्वान् । विद्वानिति॑ विद्वान् ॥ जहि॑ शत्रून् ।
शत्रू॑रप । अप॑ मृधः । मृधो॑ नुदस्व । नुदस्वाथ॑ । अथाभयम् ।
अभयम् कृणुहि॑ । कृणुहि॑ विश्वतः॑ । विश्वतो॑ नः । न इति॑ नः ॥
उपयामगृहीतोऽसि॑ । उपयामगृहीत॑ इत्युपयाम - गृहीतः॑ ।
असीन्द्राय॑ । इन्द्राय॑ त्वा । त्वा षोडशिने॑ । षोडशिन॑ एषः । एष ते॑ ॥
ते योनिः॑ । योनिरिन्द्राय॑ । इन्द्राय॑ त्वा । त्वा षोडशिने॑ । षोडशिन॑
इति षोडशिने॑ ॥ 43 (30/35) (सजोषा-त्रिंशत्) (A42)

T.S.1.4.43.1 - Kramam

उदु॑ । उ॒ त्यम् । त्यम् जातवे॑दसम् । जातवे॑दसम् देवम् ।
जातवे॑दसमिति॑ जात - वेदसम् । देवं॑ वहन्ति । वहन्ति॑ केतवः॑ ।

प्रथम काण्डे - चतुर्थः प्रश्नः - (TS 1.4)

के॒तव॑ इति॑ के॒तवः॑ ॥ दृ॒शे वि॒श्वाय॑ । वि॒श्वाय॑ सू॒र्यम्॑ ॥ सू॒र्यमि॒ति
सू॒र्यम्॑ ॥ चि॒त्रम् दे॒वानाम्॑ ॥ दे॒वानामु॑त् । उद॒गात् । अ॒गादनी॑कम् ।
अनी॑कम् चक्षुः॑ । चक्षु॑र् मि॒त्रस्य॑ । मि॒त्रस्य॑ वरु॒णस्य॑ । वरु॒णस्याग्नेः॑ ।
अग्ने॑रित्यग्नेः॑ ॥ आऽप्राः॑ ॥ अप्रा॑ द्यावापृथि॒वी । द्यावापृथि॑वी
अन्त॑रिक्षम् । द्यावापृथि॑वी इति॑ द्यावा - पृथि॑वी । अन्त॑रिक्षञ् सू॒र्यः ।
सू॒र्य आ॒त्मा । आ॒त्मा जग॑तः । जग॑तस्तस्थु॒षः । तस्थु॑षश्च ।
चेति॑ च ॥ अग्ने॑ नय॑ । नय॑ सु॒पथा॑ ॥ सु॒पथा॑ रा॒ये । सु॒पथेति॑
सु - पथा॑ ॥ रा॒ये अस्मान्॑ । अस्मान्॑ वि॒श्वानि॑ । वि॒श्वानि॑ देव ।
देव॑ व॒युनानि॑ । व॒युनानि॑ वि॒द्वान् । वि॒द्वानिति॑ वि॒द्वान् ॥ यु॒योध्य॑स्मत् ।
अस्मज्जु॑हुराणम् । जु॒हुराण॑मेनः॑ । ए॒नो भू॑यिष्ठाम् । भू॑यिष्ठान्ते ।
ते नम॑उक्तिम् । नम॑उक्तिं वि॒धेम॑ । नम॑उक्तिमि॒ति नमः॑ - उ॒क्तिम् ।
वि॒धेमेति॑ वि॒धेम॑ ॥ दि॒वम् गच्छ॑ । गच्छ॑ सु॒वः । सु॒वः पत॑ ।
पत॑ रू॒पेण॑ । रू॒पेण॑ वः । 44 (50/54)

T.S.1.4.43.2 - Kramam

वो॒ रू॒पम् । रू॒पम॑भि । अ॒भ्या । ऐ॒मि । ए॒मि व॑यसा । व॑यसा॒ वयः॑ ।
व॒य इति॑ व॒यः ॥ तु॒थो वः॑ । वो॒ वि॒श्ववे॑दाः । वि॒श्ववे॑दा वि ।

तैत्तिरीय संहिता क्रम पाठे (TS 1.4)

विश्व॑वे॒दा इति॑ विश्व - वे॒दाः । वि भ॑जतु । भ॒जतु॑ व॒र्षि॑ष्ठे । व॒र्षि॑ष्ठे
 अधि॑ । अधि॑ नाके॑ ॥ नाक॑ इति॑ नाके॑ ॥ ए॒तत्ते॑ ॥ ते अ॒ग्ने । अ॒ग्ने
 राधः॑ । राध॑ आ । ऐति॑ । ए॒ति सोम॑च्युतम् । सोम॑च्युतम् तत् ।
 सोम॑च्युतमिति॑ सोम - च्यु॒तम् । तन्मि॑त्रस्य । मि॒त्रस्य॑ पथा । पथा
 नय॑ । नय॑र्तस्य । ऋ॒तस्य॑ पथा । पथा॑ प्र । प्रेत॑ । इ॒त च॒न्द्रद॑क्षिणाः ।
 च॒न्द्रद॑क्षिणा य॒ज्ञस्य॑ । च॒न्द्रद॑क्षिणा इति॑ च॒न्द्र - द॑क्षिणाः ।
 य॒ज्ञस्य॑ पथा । पथा॑ सु॒विता । सु॒विता॑ नय॑न्तीः । नय॑न्तीर् ब्रा॒ह्मण॑म् ।
 ब्रा॒ह्मण॑मद्य॑ । अद्य॑ रा॒ध्यास॑म् । रा॒ध्यास॑मृषि॑म् । ऋषि॑मार्॒षेय॑म् ।
 आ॒र्षेय॑म् पि॒तृम॑न्तम् । पि॒तृम॑न्तम् पै॒तृम॑त्यम् । पि॒तृम॑न्तमिति॑
 पि॒तृ - म॑न्तम् । पै॒तृम॑त्यꣳ सु॒धातु॑दक्षिणम् । पै॒तृम॑त्यमिति॑
 पै॒तृ - म॑त्यम् । सु॒धातु॑दक्षिणं वि॑ । सु॒धातु॑दक्षिणमिति॑
 सु॒धातु॑ - द॒क्षिण॑म् । वि सु॒वः । सु॒वः प॑श्य । प॑श्य वि ।
 व्य॑न्तरि॒क्षम् । अ॒न्तरि॑क्षं य॒तस्व॑ । य॒तस्व॑ सद॒स्यैः॑ ।
 सद॒स्यैर॑स्मद्वा॒त्राः । अ॒स्मद्वा॒त्रा दे॒वत्रा॑ । अ॒स्मद्वा॒त्रा इत्य॑स्मत्-दा॒त्राः ।
 दे॒वत्रा॑ गच्छ॑त । दे॒वत्रे॑ति दे॒व - त्रा॑ । गच्छ॑त मधु॒मतीः॑ ।

प्रथम काण्डे - चतुर्थः प्रश्नः - (TS 1.4)

मधु॑मतीः॑ प्र॒दा॒ता॒रम्॑ । मधु॑मती॒रिति॑ मधु॑ - मतीः॑ । प्र॒दा॒ता॒रमा॑ ।
 प्र॒दा॒ता॒रमि॑ति प्र - दा॒ता॒रम्॑ । आ॒ वि॒शत॑ । वि॒शतान॑वहाय ।
 अन॑वहाया॒स्मान् । अन॑वहायेत्यन॒व - हा॒य । अ॒स्मान् दे॒वयाने॑न ।
 दे॒वयाने॑न पथा । दे॒वयाने॑नेति॒ देव॑ - याने॑न । पथे॑त । इ॒त सु॒कृता॑म् ।
 सु॒कृतां॑ लो॒के । सु॒कृता॑मि॒ति सु॑ - कृता॑म् । लो॒के सी॑दत । सी॒दत
 तत् । तन्नः॑ । नः स॒स्कृत॑म् । स॒स्कृत॑मि॒ति स॒ - स्कृ॑तम् ॥ 45

(68/81) (रूपेण-सदस्यै-रष्टादश च) (A43)

T.S.1.4.44.1 - Kramam

धा॒ता रा॑तिः । रा॒तिः स॒विता॑ । स॒विते॑दम् । इ॒दम् जु॑षन्ताम् । जु॒षन्ता॑म्
 प्र॒जाप॑तिः । प्र॒जाप॑तिर् निधि॒पतिः॑ । प्र॒जाप॑तिरिति॒ प्रजा॑ - पतिः॑ ।
 निधि॑पतिर् नः । निधि॑पतिरिति॒ निधि॑ - पतिः॑ । नो॒ अग्निः॑ ।
 अ॒ग्निरि॑त्यग्निः ॥ त्वष्टा॑ विष्णुः । विष्णुः॑ प्र॒जया॑ । प्र॒जया॑ स॒र्राणः॑ ।
 प्र॒जये॑ति प्र - जया॑ । स॒र्राणो॑ यज॒मानाय॑ । स॒र्राण॑ इति॒
 सं - र्राणः॑ । यज॑मानाय॒ द्रवि॑णम् । द्रवि॑णं दधातु । दधा॑त्विति॒
 दधा॑तु ॥ समि॑न्द्र । इन्द्र॑णः । नो॒ मन॑सा । मन॑सा नेषि ।
 नेषि॑ गोभिः । गोभिः॑ सम् । स॒सूरि॑भिः । सूरि॑भिर् मघवन् ।

तैत्तिरीय संहिता क्रम पाठे (TS 1.4)

सूरि॑भिरि॑ति॒ सूरि॑ - भिः॒ । म॒घ॒व॒न्त्स॑म् । म॒घ॒व॒न्निति॑ म॒घ - व॒न्त्स॑ ।
स॒७ स्व॑स्त्या । स्व॑स्त्येति॒ स्व॑स्त्या ॥ स॒म् ब्र॑ह्मणा । ब्र॑ह्मणा
दे॒व॒कृ॒तम् । दे॒व॒कृ॒तं य॑त् । दे॒व॒कृ॒तमि॑ति॒ दे॒व - कृ॒तम् । यद॑स्ति॒ ।
अ॒स्ति॒ स॒म् । स॒म् दे॒वाना॑म् । दे॒वाना॑ सु॒म॒त्या । सु॒म॒त्या
य॒ज्ञिया॑नाम् । सु॒म॒त्येति॑ सु - म॒त्या । य॒ज्ञिया॑नामि॒ति य॒ज्ञिया॑नाम् ॥
सं व॑र्चसा । व॑र्चसा प॒यसा॑ । प॒यसा॑ स॒म् । स॒म् त॒नूभिः॑ ।
त॒नूभि॑रग॒न्महि॑ । अ॒ग॒न्महि॑ म॒नसा॑ । म॒नसा॑ स॒म् । स॒७ शि॒वेन॑ ।
शि॒वेने॑ति॒ शि॒वेन॑ ॥ त्व॒ष्टा नः॑ । नो॒ अत्र॑ । अत्र॒ वरि॑वः ।
व॒रि॑वः कृ॒णोतु॑ । कृ॒णो॒त्वनु॑ । 46 (50/58)

T.S.1.4.44.2 - Kramam

अ॒नु॒ मा॒र्ष्टु॑ । मा॒र्ष्टु॑ त॒नुवः॑ । त॒नुवो॑ यत् । यद् विलि॑ष्टम् । विलि॑ष्टमि॒ति
वि - लि॑ष्टम् ॥ यद॑द्य । अ॒द्य त्वा॑ । त्वा॒ प्र॒यति॑ । प्र॒यति॑ य॒ज्ञे ।
प्र॒यती॑ति॒ प्र - य॑ति । य॒ज्ञे अ॒स्मिन् । अ॒स्मिन्न॑ग्ने॒ । अ॒ग्ने हो॑तारम् ।
हो॑तारम॒वृणी॑महि । अ॒वृणी॑मही॒ह । इ॒हेती॑ह ॥ ऋ॒ध॒गया॑ट् ।
अ॒याडृ॑धक् । ऋ॒ध॒गु॒त । उ॒ताश॑मि॒ष्टाः । अ॒शमि॑ष्टाः प्र॒जान॑न् ।
प्र॒जान॑न् य॒ज्ञम् । प्र॒जान॑न्निति॒ प्र - जा॑नन् । य॒ज्ञमु॑प । उप॒ याहि॑ ।

प्रथम काण्डे - चतुर्थः प्रश्नः - (TS 1.4)

या॒हि वि॒द्वान् । वि॒द्वानि॑ति वि॒द्वान् ॥ स्व॒गा वः॑ । स्व॒गेति॑ स्व - गा ।
 वो दे॒वाः । दे॒वाः स॒दनम् । स॒दनम॑कर्म । अ॒कर्म॑ ये । य आ॒जग्म॑ ।
 आ॒जग्म॑ स॒वना । आ॒जग्मे॑त्या-जग्म । स॒वने॑दम् । इ॒दम् जु॒षाणाः॑ ।
 जु॒षाणा॑ इति जु॒षाणाः॑ ॥ ज॒क्षिवा॑ऽसः प॒पिवा॑ऽसः । प॒पिवा॑ऽसश्च ।
 च वि॒श्वे ॥ वि॒श्वे ऽस्मे । अ॒स्मे ध॑त्त । अ॒स्मे इ॒त्यस्मे॑ । ध॑त्त व॒सवः॑ ।
 व॒सवो॑ व॒सूनि॑ । व॒सूनी॑ति व॒सूनि॑ ॥ या॒ना । आ॒ऽवहः॑ । अ॒वह॑ उ॒शतः॑ ।
 उ॒शतो॑ दे॒व । दे॒व दे॒वान् । दे॒वान् तान् । तान् प्र । 47 (50/55)

T.S.1.4.44.3 - Kramam

प्रे॒रय॑ । ई॒रय॑ स्वे । स्वे अ॒ग्ने । अ॒ग्ने स॒धस्थे॑ ॥ स॒धस्थ॑ इति
 स॒धस्थे॑ ॥ व॒हमा॑ना भ॒रमा॑णाः । भ॒रमा॑णा ह॒वी॒षि । ह॒वी॒षि व॒सुम् ॥
 व॒सुम् घ॒र्मम् । घ॒र्मम् दि॒वम् । दि॒वमा॑ । आ ति॒ष्ठत॑ । ति॒ष्ठतानु॑ ।
 अ॒न्वित्य॑नु ॥ य॒ज्ञ य॒ज्ञम् । य॒ज्ञम् ग॒च्छ । ग॒च्छ य॒ज्ञप॑तिम् ।
 य॒ज्ञप॑तिम् ग॒च्छ । य॒ज्ञप॑तिमि॒ति य॒ज्ञ - प॑तिम् । ग॒च्छ स्वा॑म् ।
 स्वां यो॒निम् ॥ यो॒निम् ग॒च्छ । ग॒च्छ स्वा॑हा । स्वा॒हैषः॑ । ए॒ष ते॑ ।
 ते य॒ज्ञः । य॒ज्ञो य॒ज्ञप॑ते । य॒ज्ञप॑ते स॒हसू॑क्तवा॒कः ॥

तैत्तिरीय संहिता क्रम पाठे (TS 1.4)

य॒ज्ञ॒प॒त इति॑ य॒ज्ञ - प॒ते । स॒ह॒सू॒क्त॒वा॒कः सु॒वी॒रः । स॒ह॒सू॒क्त॒वा॒क
इति॑ स॒ह॒सू॒क्त - वा॒कः । सु॒वी॒रः स्वा॒हा । सु॒वी॒र इति॑ सु - वी॒रः ।
स्वा॒हा दे॒वाः । दे॒वा गा॒तु॒वि॒दः । गा॒तु॒वि॒दो गा॒तुम् । गा॒तु॒वि॒द इति॑
गा॒तु-वि॒दः । गा॒तुं वि॒त्वा । वि॒त्वा गा॒तुम् । गा॒तु॒मि॒त । इ॒त मन॑सः ।
मन॑सस्प॒ते । प॒त इ॒मम् । इ॒मम् नः । नो॒ दे॒व । दे॒व दे॒वेषु॑ । दे॒वेषु॑
य॒ज्ञम् । य॒ज्ञ॒ स्वा॒हा । स्वा॒हा वा॒चि । वा॒चि स्वा॒हा । स्वा॒हा वा॒ते ।
वा॒ते धाः । धा इति॑ धाः ॥ 48 (46/53)

(कृ॒णो॒तु-ता॒न-ष्टा॒च॒त्वा॒रि॒ञ्च) (A44)

T.S.1.4.45.1 - Kramam

उ॒रु॒ हि । हि॑ रा॒जा । रा॒जा व॑रुणः । व॑रुणश्च॒कार । च॒कार॑ सू॒र्या॒य ।
सू॒र्या॒य प॑न्थाम् । प॑न्थामन्वे॒तवै । अन्वे॑तवा उ । अन्वे॑तवा
इ॒त्यनु॑ - ए॒तवै । उ॒वित्यु॑ ॥ अ॒प॒दे पा॒दा । पा॒दा प्र॑तिधा॒तवे॑ ।
प्र॑तिधा॒तवे॑ऽकः । प्र॑तिधा॒तव इति॑ प्र॒ति - धा॒तवे॑ । अ॒क॒रु॒त ।
उ॒ताप॑व॒क्ता । अ॒प॒व॒क्ता हृ॒दया॑वि॒धः । अ॒प॒व॒क्ते॒त्यप - व॒क्ता ।
हृ॒दया॑वि॒धश्चित् । हृ॒दया॑वि॒ध इति॑ हृ॒दया - वि॒धः । चि॒दिति॑ चि॒त् ॥
श॒तम् ते॑ । ते॒ रा॒ज॒न् । रा॒ज॒न् भि॒षजः॑ । भि॒षजः॑ स॒हस्र॑म् ।

प्रथम काण्डे – चतुर्थः प्रश्नः – (TS 1.4)

स॒हस्र॑मु॒र्वी । उ॒र्वी ग॑म्भी॒रा । ग॒म्भी॒रा सु॑मतिः । सु॒मति॑ष्टे ॥
सु॒मति॑रिति सु – मतिः । ते अ॒स्तु । अ॒स्त्वित्य॑स्तु ॥ बा॒धस्व॑ द्वेषः ।
द्वेषो॑ निर्ऋ॒तिम् । निर्ऋ॒तिम् प॑राचैः । निर्ऋ॒तिमि॑ति निः-ऋ॒तिम् ।
प॑राचैः कृ॒तम् । कृ॒तम् चि॑त् । चि॒देनः॑ । ए॒नः प्र॑ । प्र॒ मुमु॑ग्धि ।
मु॒मुग्ध्य॑स्मत् । अ॒स्मदि॑त्यस्मत् ॥ अ॒भिष्टि॑तो व॒रुण॑स्य । अ॒भिष्टि॑त
इ॒त्यभि॑ – स्थि॒तः । व॒रुण॑स्य पा॒शः । पा॒शोऽग्नेः॑ । अ॒ग्नेर॑नीकम् ।
अ॒नीक॑मपः । अ॒प आ॑ । आ वि॒वेश॑ । वि॒वेशे॑ति वि॒वेश॑ ॥
अ॒पा॒म् न॑पात् । न॒पात् प्र॑तिरक्षन् । प्र॒तिर॑क्षन्नु॒र्यम् ॥
प्र॒तिर॑क्षन्निति प्रति – रक्षन् । अ॒सु॒र्यम् द॑मेदमे । द॑मेदमे स॒मिध॑म् ।
द॑मेदम इति द॑मे – द॑मे । 49 (50/59)

T.S.1.4.45.2 - Kramam

स॒मिधं॑ य॒क्षि । स॒मिध॑मिति सम् – इ॒धम् । य॒क्ष्य॒ग्ने॑ ।
अ॒ग्न इ॑त्यग्ने ॥ प्रति ते । ते जि॒ह्वा । जि॒ह्वा घृ॑तम् । घृ॒तमु॑त् ।
उ॒च्च॑रण्येत् । च॒रण्ये॑त् स॒मुद्रे॑ । स॒मुद्रे॑ ते । ते ह॒दय॑म् । ह॒दय॑मप्सु ।
अ॒प्स्वन्तः॑ । अ॒प्स्वित्य॑प् – सु । अ॒न्तरि॑त्यन्तः ॥ सम् त्वा ॥

तैत्तिरीय संहिता क्रम पाठे (TS 1.4)

त्वा॑ विश॑न्तु । विश॑न्त्वोष॑धीः । ओष॑धीरु॒त । उ॒तापः॑ । आपो॑
य॒ज्ञस्य॑ । य॒ज्ञस्य॑ त्वा । त्वा॒ य॒ज्ञप॑ते । य॒ज्ञप॑ते ह॒विर्भिः॑ । य॒ज्ञप॑त
इति॑ य॒ज्ञ - प॑ते । ह॒विर्भिरि॑ति ह॒विः - भिः॑ ॥ सू॒क्तवा॒के न॑मोवा॒के ।
सू॒क्तवा॒क इति॑ सू॒क्त - वा॒के । न॑मोवा॒के वि॒धेम । न॑मोवा॒क इति॑
नमः॑ - वा॒के । वि॒धेमा॑वभृ॒थ । अ॒वभृ॑थ नि॒चङ्कु॑ण ।
अ॒वभृ॑थेत्य॒व - भृ॑थ । नि॒चङ्कु॑ण नि॒चेरुः॑ । नि॒चङ्कु॑णेति॑
नि - चङ्कु॑ण । नि॒चेरु॑रसि । नि॒चेरु॑रिति॑ नि - चे॒रुः । अ॒सि
नि॒चङ्कु॑ण । नि॒चङ्कु॑णाव । नि॒चङ्कु॑णेति॑ नि - चङ्कु॑ण । अ॒व
दे॒वैः । दे॒वैर् दे॒वकृ॑तम् । दे॒वकृ॑तमे॒नः । दे॒वकृ॑तमि॒ति दे॒व - कृ॑तम् ।
ए॒नोऽया॑ट् । अ॒याड॑व । अ॒व म॒र्त्यैः॑ । म॒र्त्यैर् म॒र्त्यकृ॑तम् ।
म॒र्त्यकृ॑तमु॒रोः । म॒र्त्यकृ॑तमि॒ति म॒र्त्य - कृ॑तम् । उ॒रोरा॑ । आ नः॑ ।
नो॒ दे॒व । दे॒व रि॑षः । रि॒षस्पा॑हि । पा॒हि सु॒मित्राः॑ । सु॒मित्रा॑ नः॑ ।
सु॒मित्रा॑ इति॑ सु - मि॒त्राः । न॒ आपः॑ । आप॒ ओष॑धयः ।
ओष॑धयः सन्तु । 50 (50/62)

प्रथम काण्डे - चतुर्थः प्रश्नः - (TS 1.4)

T.S.1.4.45.3 - Kramam

सन्तु॑ दु॒र्मि॒त्राः॑ । दु॒र्मि॒त्रास्तस्मै॑ ॥ दु॒र्मि॒त्रा इति॑ दुः - मि॒त्राः॑ । तस्मै॑
भू॒यासुः॑ । भू॒यासु॑र् यः । यो॑ऽस्मान् । अ॒स्मान् द्वेष्टि॑ । द्वेष्टि॑ यम् ।
यम् च॑ । च॒ वयम्॑ । व॒यम् द्विष्मः॑ । द्विष्मो॑ दे॒वीः । दे॒वीरा॑पः ।
आप॑ ए॒षः । ए॒ष वः॑ । वो॒ गर्भः॑ । गर्भ॒स्तम् । तं वः॑ । वः सु॒प्री॑तम् ।
सु॒प्री॑त॒ञ् सु॒भृ॑तम् । सु॒प्री॑तमि॒ति सु - प्री॑तम् । सु॒भृ॑तमकर्म ।
सु॒भृ॑तमि॒ति सु - भृ॑तम् । अ॒कर्म॑ दे॒वेषु॑ । दे॒वेषु॑ नः । नः सु॒कृतः॑ ।
सु॒कृतो॑ ब्रू॒तात् । सु॒कृत॑ इति॑ सु - कृतः॑ । ब्रू॒तात् प्र॑तियुतः ।
प्र॑तियुतो वरुणस्य । प्र॑तियुत इति॑ प्र॒ति - यु॑तः । वरुणस्य॑ पा॒शः ।
पा॒शः प्र॑त्यस्तः । प्र॑त्यस्तो वरुणस्य । प्र॑त्यस्त इति॑ प्र॒ति - अ॒स्तः ।
वरुणस्य॑ पा॒शः । पा॒श ए॒धः । ए॒धोऽसि॑ । अ॒स्येधि॑षीमहि ।
ए॒धिषी॑महि॒ समि॑त् । समि॒दसि॑ । समि॒दिति॑ सम्-इत् । अ॒सि ते॒जः ।
ते॒जोऽसि॑ । अ॒सि ते॒जः । ते॒जो म॑यि । म॑यि धेहि । धे॒ह्यपः॑ । अ॒पो
अ॒नु । अ॒न्वचा॑रिषम् । अ॒चा॒रिष॑ञ् रसे॒न । रसे॑न॒ सम् । सम॑सृक्ष्महि ।
अ॒सृक्ष्म॑हीत्यसृक्ष्महि ॥ प॒यस्वा॑ञ् अ॒ग्ने । अ॒ग्न आ () । आ॒ऽग॑मम् ।

अ॒ग॒म॒म् त॒म् । त॒म् मा॑ । मा॒ स॒म् । स॒ञ् सृ॒ज । सृ॒ज॒ वर्च॑सा ।

वर्च॑सेति॒ वर्च॑सा ॥ 51 (58/63)

(द॒र्म॑द॒र्म-ओष॑ध॒य- आ-षट्च॑) (A45)

T.S.1.4.46.1 - Kramam

य॒स्त्वा॑ । त्वा॒ ह॒दा॑ । ह॒दा॑ की॒रिणा॑ । की॒रिणा॑ म॒न्य॒मा॒नः॑ ।

म॒न्य॒मा॒नोऽम॑र्त्य॒म् । अ॒म॒र्त्य॒म् म॑र्त्यः । म॒र्त्यो॑ जो॒ह॒वी॒मि॑ । जो॒ह॒वी॒मी॒ति॑

जो॒ह॒वी॒मि॑ ॥ जा॒त॒वे॒दो॒ यशः॑ । जा॒त॒वे॒द॒ इति॑ जा॒त - वे॒दः॑ ।

यशो॑ अ॒स्मा॒सु॑ । अ॒स्मा॒सु॑ धे॒हि॑ । धे॒हि॑ प्र॒जा॒भिः॑ । प्र॒जा॒भि॒र॒ग्ने॑ ।

प्र॒जा॒भि॒रि॒ति॑ प्र - जा॒भिः॑ । अ॒ग्ने॑ अ॒मृ॒त॒त्व॒म् । अ॒मृ॒त॒त्व॒म॒श्या॑म् ।

अ॒मृ॒त॒त्व॒मि॒त्य॒मृ॒त - त्व॒म् । अ॒श्या॑मि॒त्य॒श्या॑म् ॥ य॒स्मै॒ त्व॒म् । त्वञ्

सु॒कृ॒ते॑ । सु॒कृ॒ते॑ जा॒त॒वे॒दः॑ । सु॒कृ॒त॒ इति॑ सु - कृ॒ते॑ । जा॒त॒वे॒द॒ उ॑ ।

जा॒त॒वे॒द॒ इति॑ जा॒त-वे॒दः॑ । उ॒ लो॒क॒म् । लो॒क॒म॒ग्ने॑ । अ॒ग्ने॑ कृ॒ण॒वः॑ ।

कृ॒ण॒वः॑ स्यो॒न॒म् । स्यो॒न॒मि॒ति॑ स्यो॒न॒म् ॥ अ॒श्वि॒नञ् सः॑ ।

स पु॒त्रि॒ण॒म् । पु॒त्रि॒ण॒म् वी॒र॒व॒न्त॒म् । वी॒र॒व॒न्त॒म् गो॒म॒न्त॒म् । वी॒र॒व॒न्त॒मि॒ति॑

वी॒र - व॒न्त॒म् । गो॒म॒न्त॒ञ् र॒यि॒म् । गो॒म॒न्त॒मि॒ति॑ गो - म॒न्त॒म् ।

र॒यि॒म् न॒श॒ते॑ । न॒श॒ते॑ स्व॒स्ति॑ । स्व॒स्ती॒ति॑ स्व॒स्ति॑ ॥ त्वे॒ सु॑ ।

त्वे॑ इति॑ त्वे॑ । सु॑ पु॒त्र । पु॒त्र श॒वसः॑ । श॒वसोऽवृ॑त्रन् ।
 अवृ॑त्रन् काम॑कातयः । काम॑कातय इति॑ काम॑-का॒तयः॑ ॥ न त्वाम् ।
 त्वामिन्द्र॑ । इन्द्रा॑ति । अति॑ रिच्यते । रिच्य॑त इति॑ रिच्यते ॥
 उक्थ॑ उक्थे॑ सोमः॑ । उक्थ॑ उक्थ इत्युक्थे॑-उक्थे॑ । सोम॑ इन्द्रम् ॥
 इन्द्रम्॑ ममाद॑ । ममाद॑ नीथे॑नीथे॑ । नीथे॑नीथे॑ मघ॑वानम् ।
 नीथे॑नीथ इति॑ नीथे॑ - नीथे॑ । मघ॑वान् सु॒तासः॑ ।
 मघ॑वानमिति॑ मघ - वानम् । 52 (50/61)

T.S.1.4.46.2 - Kramam

सु॒तास इति॑ सु॒तासः॑ ॥ यदी॑म् । ई॒ञ् स॒बाधः॑ । स॒बाधः॑ पि॒तरम् ॥
 स॒बाध इति॑ स - बाधः॑ । पि॒तरन् । न पु॒त्राः । पु॒त्राः स॒मानद॑क्षाः ।
 स॒मानद॑क्षा अव॑से । स॒मानद॑क्षा इति॑ स॒मान - द॑क्षाः । अव॑से
 हव॑न्ते । हव॑न्त इति॑ हव॑न्ते ॥ अग्ने॑ रसे॒न । रसे॑न तेज॒सा । तेज॑सा
 जा॒तवे॑दः । जा॒तवे॑दो वि । जा॒तवे॑द इति॑ जा॒त - वे॑दः । वि रो॑चसे ।
 रो॒चस इति॑ रो॒चसे ॥ रक्षो॑हा ऽमी॒वचा॑तनः । रक्षो॑हेति॑ रक्षः - हा ।
 अमी॒वचा॑तन इत्यमी॒व - चा॑तनः ॥ अ॒पो अनु॑ । अन्व॑चारिषम् ।

तैत्तिरीय संहिता क्रम पाठे (TS 1.4)

अ॒चा॒रि॒ष॒ꣳ र॒से॒न॑ । र॒से॒न॑ स॒म् । स॒म॒सृ॒क्ष्म॑हि ।
 अ॒सृ॒क्ष्म॑ही॒त्य॒सृ॒क्ष्म॑हि ॥ प॒य॒स्वाꣳ अ॒ग्ने॑ । अ॒ग्न॑ आ । आ॒ऽग॑मम् ।
 अ॒ग॒म॒न्त॑म् । तम् मा॑ ॥ मा॒ स॒म् । सꣳ सृ॒ज॑ । सृ॒ज॑ वर्च॒सा ।
 वर्च॑सेति॒ वर्च॑सा ॥ व॒सु॒र् व॒सु॒प॒तिः॑ । व॒सु॒प॒ति॒र् हि॒क॑म् ॥
 व॒सु॒प॒ति॒रिति॑ व॒सु॒-प॒तिः॑ । हि॒क॑म॒सि॑ । अ॒स्य॑ग्ने । अ॒ग्ने॑ वि॒भा॒व॒सुः॑ ।
 वि॒भा॒व॒सु॒रिति॑ वि॒भा - व॒सुः॑ ॥ स्या॑म॒ ते । ते॒ सु॒म॒तौ॑ । सु॒म॒ता॒वपि॑ ।
 सु॒म॒ता॒विति॑ सु - म॒तौ॑ । अ॒पी॒त्य॒पि॑ ॥ त्वा॒म॒ग्ने॑ । अ॒ग्ने॑ व॒सु॒प॒ति॑म् ।
 व॒सु॒प॒तिं॑ व॒सू॒नाम्॑ । व॒सु॒प॒ति॒मिति॑ व॒सु - प॒ति॑म् । व॒सू॒ना॒म॒भि॑ ।
 अ॒भि॑ प्र॒ । प्र॒ म॒न्दे॑ । म॒न्दे॑ अ॒ध्व॒रेषु॑ । 53 (50/57)

T.S.1.4.46.3 - Kramam

अ॒ध्व॒रेषु॑ रा॒ज॒न् । रा॒ज॒न्नि॒ति॑ रा॒ज॒न् ॥ त्व॒या॒ वा॒ज॑म् । वा॒जं॑
 वा॒ज॒य॒न्तः॑ । वा॒ज॒य॒न्तो॑ ज॒ये॒म॑ । वा॒ज॒य॒न्त॑ इति॒ वा॒ज - य॒न्तः॑ ।
 ज॒ये॒मा॒भि॑ । अ॒भि॒ष्या॑म॒ । स्या॑म॒ पृ॒थ॒सु॒तीः॑ । पृ॒थ॒सु॒ती॒र् म॒र्त्या॑नाम् ।
 म॒र्त्या॑ना॒मिति॑ म॒र्त्या॑नाम् ॥ त्वा॒म॒ग्ने॑ । अ॒ग्ने॑ वा॒ज॒सा॒त॒म॑म् । वा॒ज॒सा॒त॒मं॑
 वि॒प्राः॑ । वा॒ज॒सा॒त॒म॒मिति॑ वा॒ज - सा॒त॒म॑म् । वि॒प्रा॑ व॒र्द्ध॑न्ति ।
 व॒र्द्ध॑न्ति॒ सु॒ष्टु॒त॑म् । सु॒ष्टु॒त॒मिति॑ सु - स्तु॒त॑म् ॥ स॒ नः॑ । नो॒ रा॒स्व॑ ।

प्रथम काण्डे - चतुर्थः प्रश्नः - (TS 1.4)

रास्व सुवीर्यम् । सुवीर्यमिति सु-वीर्यम् ॥ अयम् नः । नो अग्निः ।
 अग्निर् वरिवः । वरिवः कृणोतु । कृणोत्वयम् । अयम् मृधः ।
 मृधः पुरः । पुर एतु । एतु प्रभिन्दन् । प्रभिन्दन्निति प्र - भिन्दन् ॥
 अयञ् शत्रून् । शत्रून् जयतु । जयतु जर्.हृषाणः । जर्.हृषाणोऽयम् ।
 अयञ् वाजम् । वाजम् जयतु । जयतु वाजसातौ । वाजसाताविति
 वाज - सातौ ॥ अग्निनाऽग्निः । अग्निः सम् । समिद्ध्यते ।
 इद्ध्यते कविः । कविर् गृहपतिः । गृहपतिर् युवा । गृहपतिरिति
 गृह - पतिः । युवेति युवा ॥ हव्यवाड् जुह्वास्यः । हव्यवाडिति
 हव्य - वाट् । जुह्वास्य इति जुहु - आस्यः ॥ त्वञ् हि । ह्यग्ने () ।
 अग्ने अग्निना । अग्निना विप्रः । विप्रो विप्रेण । विप्रेण सन् ।
 सन्थ् सता । सतेति सता ॥ सखा सख्या । सख्या समिद्ध्यसे ।
 समिद्ध्यस इति सं - इद्ध्यसे ॥ उदग्ने । अग्ने शुचयः ।
 शुचयस्तव । तव वि । वि ज्योतिषा । ज्योतिषेति
 ज्योतिषा ॥ 54 (54/68) (मघवानं-मन्दे-ह्यग्ने-चतुर्दश च) (A46)

तैत्तिरीय संहिता क्रम पाठे (TS 1.4)

Prasna Korvai with starting Padams of 1 to 46 Anuvaakams :-

आ ददे-वाचस्पतय-उपयामगृहीतोऽस्या -वायो - अयं वां -
यावां-प्रातर्युजा-वयं-तं -ये देवा-स्त्रिंश- दुपयामगृहीतोऽसी-
मूर्द्धानं-मधुश्चे-न्द्राग्नि -ओमासो-मरुत्वन्त-मिन्द्र-मरुत्वो-
मरुत्वान्-महान्-महान्नुवत्-कदा-वाम-मदब्धेभि हिरण्यपाणिं-
सुशर्मा-बृहस्पति सुतस्य - हरिरस्य-ग्न- उत्तिष्ठन्-तरणि-
राप्यायस्वे-युष्टे ये- ज्योतिष्मतीं- प्रयासाय- चित्त-मातिष्ठे-न्द्र-
मसावि-सर्वस्य-महान्थ-सजोषा-उदुत्यं-धातो-रुं हि-यस्त्वा
षट्चत्वारिंशत् ।

Korvai with starting Padams of 1, 11, 21 Series of Panchaatis :-

(आ ददे-ये देवा-महा-नुत्तिष्ठन्थ-सर्वस्य-सन्तु दुर्मित्रा-
श्चतुष्पञ्चाशत् ।)

प्रथम काण्डे – चतुर्थः प्रश्नः – (TS 1.4)

First and Last Padam of Fourth Prasnam :-

(आ ददे-वि ज्योतिषा ।)

॥ हरिः ओं ॥

॥ इति प्रथम काण्डे चतुर्थः प्रश्नः – क्रम पाठः समाप्तः ॥

Details of Panchati ,Padam and Krama Vaakyams for Kandam 1 —
Prasnam 4 – TS 1.4

	Panchati	Padams	Krama Vaakyams
Anuvakam 1	2	109	127
Anuvakam 2	1	47	53
Anuvakam 3	1	57	67
Anuvakam 4	1	43	53
Anuvakam 5	1	20	24
Anuvakam 6	1	18	21
Anuvakam 7	1	19	23
Anuvakam 8	1	25	30
Anuvakam 9	1	26	31
Anuvakam 10	1	43	47
Anuvakam 11	1	42	46
Anuvakam 12	1	22	25
Anuvakam 13	1	35	40

तैत्तिरीय संहिता क्रम पाठे (TS 1.4)

Anuvakam 14	1	30	33
Anuvakam 15	1	20	24
Anuvakam 16	1	20	22
Anuvakam 17	1	26	30
Anuvakam 18	1	29	31
Anuvakam 19	1	29	32
Anuvakam 20	1	19	23
Anuvakam 21	1	26	35
Anuvakam 22	1	77	84
Anuvakam 23	1	24	28
Anuvakam 24	1	23	27
Anuvakam 25	1	14	16
Anuvakam 26	1	12	14
Anuvakam 27	1	15	21
Anuvakam 28	1	26	32
Anuvakam 29	1	23	24
Anuvakam 30	1	21	25
Anuvakam 31	1	20	23
Anuvakam 32	1	9	9
Anuvakam 33	1	19	23
Anuvakam 34	1	36	40
Anuvakam 35	1	24	31
Anuvakam 36	1	18	24
Anuvakam 37	1	26	28
Anuvakam 38	1	23	26

प्रथम काण्डे – चतुर्थः प्रश्नः – (TS 1.4)

Anuvakam 39	1	27	28
Anuvakam 40	1	26	30
Anuvakam 41	1	26	29
Anuvakam 42	1	30	35
Anuvakam 43	2	118	135
Anuvakam 44	3	148	166
Anuvakam 45	3	156	184
Anuvakam 46	3	164	186
Total →	54	1810	2085